

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



OTY.PP.
02

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primijeno: 12-05-2025			
Org. jed.	Kl. ozna.	Red. broj	Br. priloga
02	04		

Broj: 01-04-973/25-AP-4
Datum: 30.04.2025. godine

**GRADONAČELNICA
ZAVIDOVIĆI**

PREDMET: Vijećnička pitanja i inicijative sa 6. sjednice Gradskog vijeća održane, dana 30.04.2025. godine, dostavljaju se.

Na osnovu člana 167. stav (1) i člana 171a. stav (1) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), u prilogu akta dostavljamo vijećnička pitanja i Inicijative postavljene na 5. sjednici Gradskog vijeća održanoj, dana 25.03.2025. godine:

- Inicijativa vijećnika Harisa Hodžića – Inicijativa za donošenje odluke o pokretanju aktivnosti na izradi projektne dokumentacije za izgradnju etažnog parkirališta na parceli k.č. 1132; 1131/1; 1131/4; 1131/5; 1131/7; 1131/8; 1131/10; 1131/11, 1131/13; 1131/14; 1131/15; 1131/16; 1131/18 i 1131/19 K.O. Zavidovići.
- Inicijativa vijećnika Omera Ćosića – Inicijativa za sanaciju i rekonstrukciju Omladinskog doma Potkleče.
- Inicijativa vijećnika Šemsudina Skejića - dostavljam Prijedloge za raspravu o pitanjima koja se odnose na rad Vijeća, Gradonačelnika i Gradskih službi.
 1. Prijedlog za raspravu o realizaciji infrastrukturnog projekta KRUŽNI TOK KRIVAJA.
 2. Analiza aktivnosti oko realizacije izrade i donošenja Urbanističkog plana Grada Zavidovići.
- Inicijativa vijećnika Ajdina Polića (1) - Inicijativa za ukidanje poreza na istaknutu firmu
- Inicijativa vijećnika Ajdina Polića (2) - Inicijativa za proširenje puta u Borovnici.
- Inicijativa vijećnika Amira Tursića (1) – Inicijativa za uređenje parking mjesta za osobe koje koriste invalidska kolica, u skladu sa Odlukom o bezbjednosti i organizaciji saobraćaja na cestama Općine Zavidovići („Službeni glasnik Općine Zavidovići“, broj: 10/21) i Uredbom o prostornim standardima, urbanističko-tehničkim uslovima i normativima za sprečavanje stvaranja arhitektonsko-urbanističkih prepreka za lica sa umanjnim tjelesnim mogućnostima („Službene novine Federacije BiH“, broj 48/09 i 99/14).
- Inicijativa vijećnika Amira Tursića (2) – Inicijativa za uklanjanje arhitektonsko-urbanističkih barijera, koje ometaju ili sprečavaju kretanje osoba s kolicima, te općenito invalidnih osoba, bolesnih i starih osoba, kolica s bebama i drugih osoba kojima je to potrebno, kod poslovnih objekata ispod Gradske džamije.

- Inicijativa Kluba vijećnika Socijaldemokratske partije BiH u Gradskom vijeću Zavidovići (u ime Kluba vijećnika vijećnik Asima Džindo) (1) - Inicijativa za dovršetak radova na asfaltiranju puta u naselju Luke (Bostašići), MZ Vozuća (Hitno planiranje i realizacija dovršetka asfaltiranja puta na dionici Čipsara - naselje Luke - objekat MAN u Mjesnoj zajednici Vozuća).
- Inicijativa Kluba vijećnika Socijaldemokratske partije BiH u Gradskom vijeću Zavidovići (u ime Kluba vijećnika vijećnik Asima Džindo) (2) - Inicijativa za prilagođavanje pješačkih prilaza potrebama dječijih kolica, osoba s invaliditetom i smanjene pokretljivosti na području Grada Zavidovići (vijećnik Asima Džindo) (2) - Inicijativa za.
- Inicijativa Kluba vijećnika Socijaldemokratske partije BiH u Gradskom vijeću Zavidovići (u ime Kluba vijećnika vijećnik Asima Džindo) (3) - Inicijativa za sanaciju saobraćajne infrastrukture kroz zamjenu oštećenih ogledala i reviziju postavljanja saobraćajnih znakova radi povećanja sigurnosti u saobraćaju na području Grada Zavidovići. Sanacija saobraćajne infrastrukture kroz zamjenu oštećenih ogledala i reviziju postavljanja saobraćajnih znakova radi povećanja sigurnosti u saobraćaju na području Grada Zavidovići.
- Inicijativa Kluba vijećnika Socijaldemokratske partije BiH u Gradskom vijeću Zavidovići (u ime Kluba vijećnika vijećnik Asima Džindo) (4) - Inicijativa za premještanje neaktivnog taxi stajališta iz ulice Stjepana Radića na funkcionalniju lokaciju.
- Vijećničko pitanje vijećnika Bajro Javrić;
- Vijećničko pitanje vijećnika Anes Karajbić;
- Vijećničko pitanje vijećnice Indira Pašić;
- Vijećničko pitanje vijećnika Ajdin Polić (1), (2) i (3);
- Vijećničko pitanje vijećnika Amir Tursić;
- Vijećničko pitanje vijećnice Asim Džindo.
- Vijećničko pitanje vijećnice Zahida Avdičevića.

Odgovore na postavljena vijećnička pitanja i inicijative potrebno je dostaviti predsjedavajućoj Gradskog vijeća radi uvrštavanja u dnevni red naredne sjednice Gradskog vijeća.

S poštovanjem.


PRILOG: Vijećnička pitanja i inicijative sa 6. sjednice Vijeća održane dana 30.04.2025. god.

DOSTAVLJENO:

1. Naslovu,
2. U spis.

Akt pripremio:

Samira Pinjić, dipl. pravnik



Amira dr Hadžić, spec. radiolog



Broj: 01-04-973/25-AP-4
Datum: 30.04.2025. godine

PREDMET: Vijećnička pitanja i inicijative sa 6. sjednice Gradskog vijeća održane, dana 30.04.2025. godine, dostavljaju se.

Na osnovu člana 167. stav (1) i člana 171. i člana 171a. stav (1) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), u prilogu akta dostavljamo vijećnička pitanja i Inicijative postavljene na 5. sjednici Gradskog vijeća održanoj, dana 25.03.2025. godine:

Bajro Javrić

PREDMET: Vijećničko pitanje.

Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavijam sljedeće vijećničko pitanje: „Kada će se izvršiti zamjena rasvjetnih tijela u naseljenom mjestu Dolac, a koja nisu u funkciji već nekoliko mjeseci?“

Direktno pitanje: „Kada nadležna služba može pokrenuti aktivnosti na zamjeni cca 60 rasvjetnih tijela u naseljenom mjestu Dolac?“

Obrazloženje: Malobrojni mještani naseljenog mjesta Dolac su prije nešto više od godinu dana dobili funkcionalnu uličnu rasvjetu koja se prostire u dužini od cca 4 kilometra kroz naseljeno mjesto i sa preko 100 rasvjetnih tijela. U periodu od 15 mjeseci skoro pola rasvjetnih tijela nije više u funkciji a mještani ovog naselja nisu u mogućnosti obezbijediti finansijska sredstva za njihovu zamjenu. Savjet MZ Dolac, također zbog jako malih prihoda po osnovu redovnih sredstava koja se uplaćuju od strane Općine, nije u mogućnosti finansirati ovako veliki finansijski poduhvat na zamjeni velikog broja rasvjetnih tijela.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj gradskoj službi.

S postovanjem,

Anes Karajbić

PREDMET: Vijećničko pitanje.

Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavijam sljedeće vijećničko pitanje: „Tražim od nadležne službe da nam dostavi informacije i podatke o kretanju stanovništva Grada Zavidovići od 2022. godine pa sve do danas.“

Direktno pitanje: „Tražim od nadležne službe da nam dostavi podatke o broju rođenih, umrlih i broju stanovnika koje se iselilo sa područja općine Zavidovići. Podatke je potrebno dostaviti počev od 2022. godine. Tražene podatke je potrebno dostaviti u ukupnom iznosu kao i po matičnim uredima. Odgovor na ovo pitanje treba da sadrži sljedeće informacije: godina, natalitet, mortalitet, iseljeno stanovništvo, matični ured i ukupno.“

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S postovanjem,

Indira Pašić

PREDMET: Vijećničko pitanje.

Poštovana predsjedavajuća, sekretare, uvažene kolege vijećnici, pomoćnici gradonačelnice i ostali prisutni, te građani koji nas pratite putem medija, sve vas srdačno selamim i pozdravljam.

Ja danas koristim poslovničku mogućnost i postavljam jedno pitanje s obzirom da sam zamoljena od mještana da isto pitanje postavim.

Pitanje je upućeno Službi za upravu privrede, lokalni razvoj, infrastrukturu i međunarodnu saradnju, a glasi: „Prosle godine, 2024. raspisana je javna nabavka radova na izgradnji mosta u naseljenom mjestu Maoča, izgradnja mosta u naseljenom mjestu Hadžići-Stog i izgradnja mosta u naseljenom mjestu Kučice. Shodno tome, nakon okončane procedure zaključeni su i ugovori sa najpovoljnijim izvođačima, međutim kako mi je rečeno do dana današnjeg nije se pristupilo izvođenju radova, odnosno gradnji mostova. Pitanje je, zašto se ne radi, da li teku rokovi izvođaču radova i da li se zna kada će početi sa radovima?“

Odgovor molim u pisanom obliku.

Haris Hodžić

PREDMET: Vijećnička inicijativa.

Inicijativa za donošenje odluke o pokretanju aktivnosti na izradi projektne dokumentacije za izgradnju etažnog parkirališta na parceli k.č. 1132; 1131/1; 1131/4; 1131/5; 1131/7; 1131/8; 1131/10; 1131/11; 1131/13; 1131/14; 1131/15; 1131/16; 1131/18 i 1131/19 K.O. Zavidovići.

Poštovani, na osnovu člana 109. Poslovnika o radu Općinskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim INICIJATIVU za donošenje Odluke o pokretanju aktivnosti na izradi projektne dokumentacije za izgradnju etažnog parkirališta na parceli k.č. 1132; 1131/1; 1131/4; 1131/5; 1131/7; 1131/8; 1131/10; 1131/11; 1131/13; 1131/14; 1131/15; 1131/16; 1131/18 i 1131/19 K.O. Zavidovići.

U skladu sa stavom 4. pomenutog člana ovu Inicijativu dostavljamo u pisanoj formi sa OBRAZLOŽENJEM kako slijedi:

U cilju obezbjeđenja novih parking mjesta za građane Zavidovića, nužno je obezbijediti novu lokaciju koja će osigurati savremenije i funkcionalnije parkiralište sa automatskom parking rampom i sistemom naplate. Nova lokacija bi trebala biti u centru grada sa podzemnim i etažnim parking objektom koji bi zadovoljio potrebe naših građana. Idealna lokacija bi bila na parcelama označenim sa k.č. 1132; 1131/1; 1131/4; 1131/5; 1131/7; 1131/8; 1131/10; 1131/11; 1131/13; 1131/14; 1131/15; 1131/16; 1131/18 i 1131/19 K.O. Zavidovići. s tim da bi se postojećim vlasnicima garažnih prostora ove lokacije osigurala parking mjesto u novom etažnom objektu parkirališta.

Inicijativom se poduzimaju aktivnosti na izradi projektne dokumentacije kako bi se stvorili preduslovi o opravdanosti ove investicije, utvrdio javni interes, regulisali vlasnički odnosi i pokrenule aktivnosti na obezbjeđenju finansijskih sredstava za realizaciju. Sredstva za realizaciju ove inicijative predvidjeti Budžetom Grada Zavidovići za 2025.godinu.

Omer Ćosić

PREDMET: Vijećnička inicijativa.

U skladu sa Poslovníkom o radu Gradskog vijeća Zavidovići, član 171.a i 171.b podnosim Inicijativu za sanaciju i rekonstrukciju Omladinskog doma Potkleče.

Obrazloženje:

Duži vremenski period izostala je reakcija nadležnih organa po inicijativama za sanaciju Omladinskog doma u Potkleču. Nekoliko puta je usvajan i poseban transfer u Budžetu Općine za ovu namjenu, ali nadležni organ ga nije realizovao. Posljednih godina, možemo reći

prethodna dva mandata Vijeća i dva mandata Općinskog načelnika naseljeno mjesto Potkleče kao da je bilo kažnjeno u smislu investicija bilo koje vrste. Posebno ću navesti ovu oko Omladinskog doma i njegovog značaja u organizovanju odbrambeno-oslobodilačkog rata. Naime, ovdje je osnovana prva Prostorna jedinica Teritorijalne odbrane tj. Patriotske lige, a ovaj objekat je korišten kao vojni objekat za smještaj tadašnjih pripadnika Patriotske lige, pripadnika mjesne straže i materijalno-tehničkih sredstava. Čak je i tadašnja Televizija Beograd, danas Radio-Televizija Srbije, objavila TV prilog u kojem su prikazali avionske snimke ovog objekta i obližnjeg prostora kao mjesto gdje se obučava muslimanska vojska, zelene beretke i slične jedinice. Ovaj objekat je devastiran usljed ratnih dejstava agresora, odnosno direktnih artiljerijskih pogodaka. Vjerovatno je agresoru predstavljao značajan objekat, pa ga je nastojao uništiti artiljerijom. To nas ne bi trebalo čuditi. Više zabrinjava i čudi odnos naših vlasti prema ovakvim objektima. Cijelo poslijeratno vrijeme nije bilo sluha da se išta uradi kako bi se ovaj objekat vratio u njegovu stvarnu namjenu, tj. za potrebe mještana Potkleče. Ova inicijativa je i nastala kao zahtjev veće grupe mještana da se konačno pristupi sanaciji i rekonstrukciji Omladinskog doma, kako bi se isti koristio za zborove građana, za održavanje izbora, za aktivnosti omladine i tako dalje. Zbog toga tražim hitnu reakciju i realizaciju ove inicijative.

Šemsudin Skejić

PREDMET: Vijećničko pitanje.

Na osnovu člana 87. i člana 116. Poslovnika o radu Gradskog vijeća (novi prečišćeni tekst) Sl.glasnik broj 7/2022 postavljam sljedeće vijećničko pitanje: „Da li nadležna služba provodi aktivnosti u cilju realizacije projekta Kružni tok Krivaja? Ukoliko je odgovor negativan, tražim obrazloženje zašto, a ako je odgovor pozitivan tražim da Gradskom vijeću podnesete izvještaj šta je do sada urađeno i kakvi su dalji planovi za realizaciju ovog za Grad vrlo bitnog projekta.“

Obrazloženje:

Gradsko vijeće je u prethodnom sazivu na sjednici održanoj 31.07.2024. godine donijelo Zaključak broj: 01-04-1518/24-AP-5 i na taj način uz pomoć Ministarstva za prostorno uređenje, promet i komunikacije i zaštitu okoliša omogućilo nesmetan nastavak aktivnosti oko realizacije kružnog toka Krivaja. Poučen iskustvom da su u periodu 2021-2024. godine Gradonačelnik i nadležna služba (pomoćnik) opstruirali rješavanje nagomilanih problema u oblasti urbanizma Grada 26.08.2024. godine postavio sam vijećničko pitanje na temu Kružni tok Krivaja. Odgovor sam dobio ekspresno 30.08.2024. godine i pozitivno se iznenadio. Zašto? Citirat ću upit nadležne službe upućen Zavodu za urbanizam i prostorno uređenje ZDK kao i odgovor zavoda. Kako upit tako i odgovor usko su vezani Zaključkom Gradskog vijeća broj: 01-04-1518/24-AP-5 od 31.07.2024.godine.

UPIT službe Zavodu za urbanizam:

Podneskom ove službe broj: 06-45-16/24-AP-19 od 05.07.2024.godine u smislu člana 188. stav 1. Zakona o prostornom uređenju i građenju („Službene novine ZDK“ broj 17/23) od Kantonalnog zavoda za urbanizam i prostorno uređenje zatraženo je davanje stručne ocjene o realizaciji projekta KRUŽNI TOK KRIVAJA.

Navodim i odgovor Zavoda na upit:

Po navedenom podnesku Kantonalni zavod za urbanizam i prostorno uređenje je dopisom broj: 12-1-19-12437 od 26.08.2024.godine (zaprimljen u službi dana 29.08.2024.godine) obavijestio istu službu da se može pristupiti realizaciji projekta KRUŽNI TOK KRIVAJA, a da će Regulacioni plan ovog područja kada se steknu uslovi zbog izrade i donošenja URBANISTIČKOG PLANA GRADA ZAVIDOVIĆI biti u skladu sa glavnim projektom KRUŽNI TOK KRIVAJA odnosno sa izvedenim stanjem.

Obzirom da je od stvaranja uslova za realizaciju ovog projekta proteklo 10 mjeseci, a ja sam

siguran da se ne radi ništa, pitam Gradonačelnicu da li zna za ove informacije. Da li zna da je Regulacioni plan Luke koji je bio preduslov za izradu Kružnog toka raden od 2018. do 2024. godine ali pogrešno. Ako budemo čekali da se završi Urbanistički plan, onda ćemo se načekati kružnog toka. Dobili ste odobrenje da ne morate čekati usvajanje Urbanističkog plana ni Regulacionog plana Luke.

Uvažena Gradonačelnice dobronamjerno Vas upozoravam. Trebat će Vam najmanje još jedan mandat da biste sadašnjim tempom aktivnosti u oblasti urbanizma uradili Urbanistički plan, Regulacioni plan Luke i riješili Kružni tok. Primjer kružnog toka to potvrđuje. Aktivirajte svoje saradnike i demantujte me.

Unaprijed Vas obavještavam pripremajte odgovor na pitanje Šta je od 06.08.2024. do 01.06.2025.godine urađeno po pitanju izrade Urbanističkog plana.

Prilog: 1. Vijećničko pitanje br.1 Šemsudina Skejića od 26.08.2024. godine.

2. Odgovor na vijećničko pitanje br.1 i br.2, Službe za upravu geodetskih, imovinsko-pravnih poslova i urbanizma broj: 06-45-16/24-AP-31 od 30.08.2024. godine.

Šemsudin Skejić

PREDMET: Prijedlog za raspravu.

Na osnovu člana 8. i člana 55. Poslovnika o radu Gradskog vijeća Zavidovići („Službeni glasnik Grada Zavidovići“ broj 7/2022 i 1/23, novi prečišćeni tekst) dostavljam Prijedloge za raspravu o pitanjima koja se odnose na rad Vijeća, Gradonačelnika i Gradskih službi.

1. Prijedlog za raspravu o realizaciji infrastrukturnog projekta KRUŽNI TOK KRIVAJA.

2. Analiza aktivnosti oko realizacije izrade i donošenja Urbanističkog plana Grada Zavidovići.

1. Realizacija projekta KRUŽNI TOK KRIVAJA

Projekat KRUŽNI TOK KRIVAJA važan je infrastrukturni projekat za Grad Zavidovići. U proteklih 8 godina predmet je političkih nadmudrivanja, a to je posebno izraženo u izbornim godinama. Nesumnjivo je da će tako biti i sljedeće 2026. (izborne) godine.

Realizacija ovog projekta nije pokrenuta isključivo zbog nerada Gradske uprave u prethodna dva mandata. Nerad ili nemoć, a najvjerovatnije i jedno i drugo bili su glavni razlozi što guzve na ušću Krivaje u Bosnu sve više izluđuju kako vozače tako i pješake. Posebno je to izraženo neposredno prije i nakon radnog vremena. Da ne pominjem juli i august kada je broj učesnika u saobraćaju povećan zbog dolaska naše „dijaspore“. Najveća greška koju su napravili prethodni Gradonačelnik i služba nadležna za urbanizam bila je ukidanje prostorno planske dokumentacije i apsolutno pasivan odnos u izradi novog Urbanističkog plana. Značajan pomak ka realizaciji ovog projekta kao i izrade i donošenja Urbanističkog plana napravilo je Gradsko vijeće u prošlom sazivu na svojoj posljednjoj sjednici 31.07.2024. godine. Na toj sjednici, a zahvaljujući pomoći Ministarstva prostornog uređenja ZE DO kantona omogućen je nastavak aktivnosti realizacije ovog projekta.

U prilogu ovog zahtjeva dostavljam dio dokumenata iz kojih se jasno vidi da nema zapreka za Projekat kružni tok. To nedvosmisleno potvrđuje dopis broj: 12-1-19-12437 od 26.08.2024. godine (zaprimljen u Službi 29.08.2024. godine) kojim je Kantonalni zavod za urbanizam i prostorno uređenje obavijestio Službu za upravu geodetskih, imovinsko-pravnih poslova i urbanizam Grada Zavidovići da MOŽE pristupiti realizaciji projekta KRUŽNI TOK KRIVAJA.

Trazim da Gradonačelnica putem nadležne službe pripremi odgovarajući radni materijal, odnosno sve relevantne informacije neophodne za razmatranje navedene problematike. Podsjećam na konstataciju Kolegija Gradskog vijeća u kojoj se navodi da se o ovoj temi može raspravljati u tački koja je u programu rada predviđena pod rednim brojem 22. Izvještaj o realizaciji regulacionih planova (januar-april).

Kako se to nije desilo zahtijevam da obezbijedite raspravu na ovu temu i to najdalje na

junskoj sjednici Gradskog vijeća.

2. Analiza aktivnosti oko realizacije izrade i donošenja Urbanističkog plana
Kao obrazloženje navest ću brojne činjenice koje će jasno definisati važnost ove teme, a činjenice su isuviše alarmantne da bismo ih ignorisali.

a) Posljednji Urbanistički plan koji je Općina Zavidovići dobila bio je onaj iz 1989. godine, prije 36 godina. Urbanistički planovi se rade na period od 20 godina. Dakle, mi već 16 godina nemamo Urbanistički plan.

b) 2021. godine desilo se nešto što je još gore od toga, a to je da smo i zvanično ukinuli stari Urbanistički plan. Ukinuli smo ga na prijedlog Gradonačelnika i nadležne službe, koji su tako dobili opravdanje da ne moraju raditi po pravilima Urbanizma.

c) Gradsko vijeće je van upotrebe stavilo i 7 Regulacionih planova. To praktično znači da mi nemamo ni jednog regulacionog plana u primjeni, a Urbanistički plan nikako.

d) Činjenica je da je Grad Zavidovići potpisao protokol za izradu i donošenje Urbanističkog plana čime su se stvorili uslovi da se isti donese u roku od 18 mjeseci, od potpisa koji je obavljen 06.08.2024.godine. Vijećnici iz prethodnog mandata znaju da je prethodni Gradonačelnik učinio sve da do potpisa protokola ne dođe. Znaju to pogotovo vijećnici koji su i danas sa nama, a protiv toga su bili i onda i sada. Obzirom da Gradonačelnica i Kolegij Gradskog vijeća nisu prihvatili prijedlog da se analiza o aktivnostima izrade Urbanističkog plana raspravlja svakih 6 mjeseci i da su predložili da bi se o toj temi moglo raspravljati na sjednicama u periodu januar-april, tražim da se o ovoj temi raspravlja u junu 2025. godine.

Ne smijemo propustiti priliku da dobijemo Urbanistički plan u augustu 2026. godine. Sve greške koje smo napravili u oblasti Urbanizma u posljednjih 15 godina napravili smo zbog toga što nemamo u prvom redu Urbanističkog plana, a svakako ni Regulacionih planova.

Prilog: 1. Vijećničko pitanje br.2 Šemsudina Skejića od 26.08.2025. godine.

2. Odgovor na vijećničko pitanje br.1 i br.2, Službe za upravu geodetskih, imovinsko-pravnih poslova i urbanizma broj: 06-45-16/24-AP-31 od 30.08.2024. godine.

Ajdin Polić

PREDMET: Vijećnička pitanja.

Vijećničko pitanje broj 1

U skladu sa članom 8., 87., Poslovnika o radu Općinskog vijeća Zavidovići, postavljam vijećničko pitanje:

„Da li je Gradska uprava obavijestila nadležno Ministarstvo o potrebi čišćenja korita rijeke Gostović na lokaciji kod mosta na drugom kilometru i na lokaciji Ornice u Sinanovićima?“
Obzirom da je sa posljednjim vodostajima uočeno da nivo vode prijeti okolnim objektima, potrebno je obavijestiti nadležno Ministarstvo da se pokrenu procedure na čišćenju korita kako bi se izvršile preventivne mjere zaštite ljudi i imovine.

Pitanje uputiti nadležnoj gradskoj službi i nadležnom Ministarstvu.

Odgovor zahtijevam pisanim putem od nadležne službe.

Vijećničko pitanje broj 2

Poštovani,

U skladu članom 8., 87., Poslovnika o radu Općinskog vijeća Zavidovići, postavljam vijećničko pitanje:

Da li se u zgradi gradskog organa uprave vrši redovna protivpožarna zaštita, redovni pregledi PP aparata i opreme?

Primjećeno je da su PP aparati u zgradi gradskog organa uprave zastarjeli, te da je na njima evidentiran zadnji pregled tokom 2017. godine, da su hidranti nekompletni i neupotrebljivi. U

cilju sprječavanja nastanka ljudskih žrtava, postavljam pitanjem sa ciljem podsticanja odgovornog lica za protivpožarnu zaštitu da djeluje u skladu sa zakonskim propisima.

Pitanje uputiti nadležnoj gradskoj službi.

Odgovor zahtijevam pisanim putem od nadležne službe.

Vijećničko pitanje broj 3

Poštovani,

U skladu članom 8., 87., Poslovnika o radu Općinskog vijeća Zavidovići, postavljam vijećničko pitanje:

Kada se planira nastavak radova na vodovodu u Bajvatima?

Obzirom da je vodovod u Bajvatima nedovršen te da su obezbijedena potrebna sredstva za nastavak radova, kada mještani mogu očekivati nastavak radova i okončanje projekta?

Pitanje uputiti nadležnoj gradskoj službi.

Odgovor zahtijevam pisanim putem od nadležne službe.

Ajdin Polić

PREDMET: Vijećničke inicijative

Inicijativa broj - 1: Inicijativa za ukidanje poreza na istaknutu firmu.

Poštovani,

U skladu sa članom 8., 87., 1 109. Poslovnika o radu Općinskog vijeća Zavidovići, podnosim sljedeću inicijativu:

Inicijativa za ukidanje poreza na istaknutu firmu podrazumijeva da se Gradskom vijeću pripremi materijal za donešenje odluke o izmjeni i dopuni Odluke o komunalnim taksama Općine Zavidovići kako bi se izbrisale odredbe o naplati komunalne takse za svaku istaknutu firmu na osnovu presuda Ustavnog suda FBiH kojim se one proglašavaju neustavnim.

O realizaciji ove inicijative, starat će se Gradonačelnica sa stručnim službama.

Za realizaciju ove inicijative izdvojiti potrebna sredstva iz budžeta Grada Zavidovići za 2025 godinu.

OBRAZLOZENJE

U medijima se neko vrijeme ponavljaju vijesti o neustavnosti taksi na istaknutu firmu. Još u martu i aprilu prošle godine Ustavni sud FBiH donio je jasne presude (broj U-31/23, U-3/24), kojima je utvrđeno da godišnja taksa na isticanje firme nema uporište u Ustavu FBiH, posebno u dijelu koji garantuje zaštitu imovine i onemogućava nametanje davanja bez protuusluge. Iako su pojedine općine već ukinule te takse (na primjer, Gradsko vijeće Tuzle krajem 2024. godine donijelo je "Odluku o prestanku važenja Odluke o komunalnim taksama"), mnoge općine to još nisu učinile.

Pravosudni eksperti upozoravaju na mogućnost krivičnopравnih posljedica za svjesno nepostivanje odluke Ustavnog suda FBiH. Krivični zakon FBiH u članu 351. propisuje kaznu zatvora do pet godina za odgovorne osobe koje odbiju postupiti u skladu s odlukom Ustavnog suda. U konkretnom slučaju, to bi zahtijevalo utvrđivanje da organi vlasti, unatoč jasno izrečenom ustavnosudskom stavu, nastavljaju djelovati suprotno toj odluci. U skladu sa navedenim, podnosim inicijativu kako bi uskladili važeću odluku sa presudama ustavnog suda FBiH u što skorijem roku kako bi rasteretili privrednike dodatnih nameta bez protuusluge.

Inicijativa broj - 2: Inicijativa za proširenje puta u Borovnici.

Poštovani,

U skladu sa članom 8., 87., 1 109. Poslovnika o radu Općinskog vijeća Zavidovići, podnosim sljedeću inicijativu:

Inicijativa za proširenje puta u naseljenom mjestu Borovnica uređenjem i betoniranjem kanala za odvodnju oborinskih voda sa gornje strane ceste kako bi se pomenuta dionica proširila za normalno odvijanje saobraćaja.

O realizaciji ove inicijative, starat će se Gradonačelnica sa stručnim službama.
Za realizaciju ove inicijative izdvojiti potrebna sredstva iz budžeta Grada Zavidovići za 2025 godinu.

OBRAZLOZENJE

Tokom marta 2025 godine mještani Borovnice izvršili su proširivanje dionice puta od mosta na rijeci Gostović prema selu u dužini od 160 m betoniranjem putnog pojasa duž ceste uz rijeku Gostović. Međutim, proširenje puta nije dovoljno, te je potrebno da se sa gornje strane puta, u dužini od 160 metara izvrše radovi uređenja kanala za odvod oborinskih voda, na način da isti uredi i eventualno betonira na način da bude pogodan za saobraćaj kako bi se omogućilo normalno odvijanje saobraćaja.

Amir Tursić

PREDMET: Vijećnička pitanja i vijećničke inicijative.

Vijećnička inicijativa broj - 1

Na osnovu člana 109. Poslovnika o radu Općinskog vijeća Zavidovići, podnosim inicijativu za uređenje parking mjesta za osobe koje koriste invalidska kolica, u skladu sa Odlukom o bezbjednosti i organizaciji saobraćaja na cestama Općine Zavidovići („Službeni glasnik Općine Zavidovići“, broj: 10/21) i Uredbom o prostornim standardima, urbanističko-tehničkim uslovima i normativima za sprečavanje stvaranja arhitektonsko-urbanističkih prepreka za lica sa umanjenim tjelesnim mogućnostima („Službene novine Federacije BiH“, broj 48/09 i 99/14).

Uređenje podrazumijeva obilježavanje broja parking mjesta u skladu sa brojem mjesta za invalidna lica predviđenim Odlukom o bezbjednosti i organizaciji saobraćaja na cestama Općine Zavidovići, obilježavanje parking mjesta u skladu sa uslovima utvrđenim Uredbom o prostornim standardima, urbanističko-tehničkim uslovima i normativima za sprečavanje stvaranja arhitektonsko-urbanističkih prepreka za lica sa umanjenim tjelesnim mogućnostima, te uređenje izlaza s parking mjesta na pločnik na način utvrđen navedenom Uredbom (sa ukošenim ivičnjakom nagiba najviše 10%, širine najmanje 120 cm).

Obrazloženje

Odlukom o bezbjednosti i organizaciji saobraćaja na cestama Općine Zavidovići („Službeni glasnik Općine Zavidovići“, broj: 10/21), u članu 33. propisano je da će se u okviru parkinga definisanih Projektom saobraćajne signalizacije, odrediti posebna parking mjesta za parkiranje vozila za osobe sa umanjenim tjelesnim mogućnostima, koji imaju poseban međunarodni znak, „Znak za pristupačnost“, u skladu sa Uredbom o prostornim standardima, urbanističko-tehničkim uvjetima i normativima za sprječavanje stvaranja arhitektonsko-urbanističkih prepreka za osobe sa umanjenim tjelesnim mogućnostima („Službene novine Federacije BiH“, broj: 48/2009). U Projektu saobraćajne signalizacije, koji se nalazi u prilogu Odluke o bezbjednosti i organizaciji saobraćaja na cestama Općine Zavidovići, ucrtan je broj parking mjesta za parkiranje vozila za osobe sa umanjenim tjelesnim mogućnostima, u pojedinim ulicama, a određivanje tačnih lokacija i obilježavanje tih mjesta vrše nadležne službe. Stanje na terenu ne odgovara u potpunosti Odluci o bezbjednosti i organizaciji saobraćaja na cestama Općine Zavidovići, tj. Projektu saobraćajne signalizacije, koji je prilog navedene Odluke.

Prilog: 1. Slika 33.-Parking mjesto u nizu iz člana 38. stav 1. tačke 1. Uredbe

2. Slika 34.- Parking mjesto sa međuprostorom iz člana 38. stava 1. tačke 2. Uredbe

Vijećnička inicijativa broj - 2

Na osnovu člana 109. Poslovnika o radu Općinskog vijeća Zavidovići, podnosim inicijativu za uklanjanje arhitektonsko-urbanističkih barijera, koje ometaju ili sprečavaju kretanje osoba s

kolicima, te općenito invalidnih osoba, bolesnih i starih osoba, kolica s bebama i drugih osoba kojima je to potrebno, kod poslovnih objekata ispod Gradske džamije.

Obrazloženje

Na pješačkom prostoru kod poslovnih objekata ispod Gradske džamije, na potezu od centralnog dijela tog prostora, krećući od butika koji se nalazi preko puta restorana, u smjeru prema zgradi Gradskog stadiona i nekadašnjem Inženjeringu, nalaze se fizičke barijere u vidu stepenica. Taj prostor je praktično izveden na tri nivoa, odnosno platoa, a na prelazima između tih nivoa nema izvedenih kosina za kretanje osoba s kolicima, te općenito invalidnih osoba, bolesnih i starih osoba, kolica s bebama i drugih osoba kojima je to potrebno. Postoje propisi kojima se uređuju prostorni standardi, urbanističko-tehnički uslovi i normativi za sprečavanje stvaranja arhitektonsko-urbanističkih prepreka, koje mogu ometati ili sprječavati kretanje, boravak i rad osoba smanjenih tjelesnih mogućnosti.

Iz navedenih razloga i potreba građana, predlažem da se na opisanoj lokaciji izvrši uklanjanje postojećih barijera na način da se urede kosine, kao uvjet pristupačnosti za potrebe savladavanja visinske razlike na navedenom prostoru, na način da se izbetoniraju kosine ili postave pristupne rampe za kolica.

Vijećničko pitanje broj - 1

Lokalni ekološki akcioni plan Općine Zavidovići (LEAP) za period 2012-2017. godine, usvojen je u aprilu 2012. godine - dakle, prije tačno 13 godina. Njegova primjena istekla je sa krajem 2017. godine. Stanje okoliša i identifikovani problemi, vizija lokalne zajednice, monitoring, koncepti projektnih prijedloga u sektoru voda, u sektorima tla i otpada, atmosfere i energije, biološke raznolikosti i kulturno-povijesne baštine - te neke od ključnih oblasti iz LEAP-a s kojima dodirne tačke imamo i u aktuelnim temama. Osam godina unazad tim temama se bavimo ad hoc - osam godina je prošlo od isteka planskog dokumenta iz te oblasti kojim se sistemski uređuju navedena pitanja. Osim toga, Lokalni ekološki akcioni plan je dokument na koji bismo se trebali pozivati prilikom prijave projektnih aplikacija za dodjelu grant sredstava, npr. kod javnih konkursa Fonda za zaštitu okoliša Federacije Bosne i Hercegovine. Usklađenost sa planskim dokumentima u pravilu donosi određene bodove prilikom evaluacije projektnih prijava.

Zanima me, zašto nemamo važeći Lokalni ekološki akcioni plan već punih osam godina, da li su se u tom periodu provodile ikakve aktivnosti na izradi novog plana i kad možemo očekivati pristupanje izradi i usvajanje novog plana?

Asim Džindo

PREDMET: Vijećničke inicijative

Vijećnička inicijativa broj 1

Na osnovu člana 109. Poslovnika o radu Gradskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim inicijativu za dovršetak radova na asfaltiranju puta u naselju Luke (Bostašići), MZ Vozuća.

Poštovani,

Uzimajući u obzir značaj prometne povezanosti naselja Luke sa centralnim dijelom Vozuće i magistralnim putem, te nedovršene infrastrukturne radove na ovom području, podnosim sljedeću inicijativu:

Predmet inicijative:

Hitno planiranje i realizacija dovršetka asfaltiranja puta na dionici Čipsara - naselje Luke - objekat MAN u Mjesnoj zajednici Vozuća.

Obrazloženje:

U naselju Luke (Bostašići) na području MZ Vozuća prethodnih godina je započeto asfaltiranje puta koji ima strateški značaj za lokalno stanovništvo. Radovi su urađeni djelimično s obje strane, ali je srednji dio puta, u dužini od oko 500 metara, ostao nezavršen.

Posljednji dio radova izveden je 2022. godine, međutim kompletna dionica još uvijek nije funkcionalno završena.

Ova dionica je od velikog značaja jer povezuje naselje Luke sa centralnim dijelom Vozuće i predstavlja alternativni pravac koji može služiti kao nužni put ili obilaznica u slučaju zastoja ili nesreća na glavnoj komunikaciji.

Usljed vremenskih nepogoda i kišnih perioda, preostali neasfaltirani dio puta je dodatno oštećen - na njemu su nastale brojne udarne rupe, što dodatno otežava svakodnevno kretanje vozilima i povećava rizik od saobraćajnih nezgoda.

Posebno je važno istaći da u ovom području živi 44 domaćinstva, čije je normalno funkcionisanje direktno zavisno od dostupnosti kvalitetnog puta.

Prilog: Slika 1. i 2. – Prikaz stanja puta na dan 25.04.2025. godine.

Vijećnička inicijativa broj 2

Na osnovu člana 109. Poslovnika o radu Gradskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim inicijativu za prilagođavanje pješačkih prilaza potrebama dječijih kolica, osoba s invaliditetom i smanjene pokretljivosti na području Grada Zavidovići

Poštovani,

U cilju povećanja sigurnosti, pristupačnosti i mobilnosti svih građana Grada Zavidovići, a posebno osoba s invaliditetom, roditelja s dječijim kolicima, starijih osoba i osoba sa smanjenom pokretljivošću, podnosim sljedeću inicijativu:

Predmet inicijative:

Prilagođavanje pješačkih prilaza i trotoara, uz obavezno omogućavanje direktnog pristupa sa ivičnjaka na kolovoz, u skladu sa standardnim propisima.

Obrazloženje:

Na području Grada Zavidovići postoje trotoari, pješački prilazi i raskrsnice koji nemaju odgovarajuće spuštene ivičnjake. Ivičnjaci su često previsoki ili nepravilno oblikovani, te nema omogućene ravne i nesmetane veze između pješačke staze i kolovoza.

Ovakvo stanje ozbiljno otežava svakodnevno kretanje:

- osobama koje koriste invalidska kolica,
- roditeljima sa djecom u kolicima,
- starijim osobama,
- osobama s privremenim povredama.

Pristup sa ivičnjaka na kolovoz mora biti izveden bez visinskih barijera, što znači da prelaz između trotoara i saobraćajnice treba biti ravan ili vrlo blago nagnut (u skladu s propisima o pristupačnosti).

Ova mjera nije samo tehničko pitanje, već pitanje ljudskih prava, dostojanstva i sigurnosti svih građana.

Prijedlog mjera:

- Hitna revizija stanja svih pješačkih prelaza i raskrnica u urbanom području Grada.
- Uklanjanje fizičkih prepreka poput visokih ivičnjaka, oštećenja i suženja na trotoarima.
- Uvođenje obaveze da svaki novi ili rekonstruisani pješački prilaz mora omogućavati direktan, blag pristup sa trotara na put.
- Saradnja sa udruženjima osoba s invaliditetom u procesu planiranja i nadzora realizacije ovih mjera.

Cilj: Povećati sigurnost i pristupačnost javnih površina za sve građane Grada Zavidovići, unaprijediti kvalitet života, te uskladiti javne infrastrukturne projekte sa evropskim standardima pristupačnosti.

Vijećnička inicijativa broj 3

Na osnovu člana 109. Poslovnika o radu Gradskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim inicijativa za sanaciju saobraćajne infrastrukture kroz zamjenu oštećenih ogledala i reviziju postavljanja saobraćajnih znakova radi povećanja sigurnosti u saobraćaju na području Grada Zavidovići. Sanacija saobraćajne infrastrukture kroz zamjenu oštećenih ogledala i reviziju postavljanja saobraćajnih znakova radi povećanja sigurnosti u saobraćaju na području grada Zavidovići.

Poštovani,

S obzirom na sve učestalije probleme u sigurnosti saobraćaja na području grada Zavidovići, a naročito greške koje čine vozači koji nisu iz našeg grada zbog neadekvatne ili oštećene saobraćajne signalizacije, podnosim sljedeću inicijativu:

Predmet inicijative:

Zamjena svih dotrajalih, napuknutih i oštećenih saobraćajnih ogledala na raskrsnicama, te sistematska provjera svih saobraćajnih znakova na području grada, s ciljem njihove sanacije, zamjene i pravilnog postavljanja.

Obrazloženje:

U praksi je primjećeno da su brojna saobraćajna ogledala u vrlo lošem stanju - napuknuta, izgrebana ili potpuno oštećena, čime je ugrožena vidljivost i sigurnost u raskrsnicama, naročito onima s ograničenom preglednošću.

Također, brojni saobraćajni znakovi su: oštećeni ili izvaljeni (npr. ulica Stjepana Radića - nedostaje znak o jednosmjernom saobraćaju), nevidljivi zbog nepravilne visine ili zaklonjeni vegetacijom, neadekvatno postavljeni itd.

Zbog toga dolazi do nesnalaženja, saobraćajnih prekršaja i potencijalno opasnih situacija.

Prijedlog mjera:

- Da nadležna gradska služba u saradnji s nadležnim tijelima izvrši terenski pregled svih raskrsnica i ulica u urbanom području Zavidovića.
- Da se napravi lista neispravnih ili nedostajućih ogledala i saobraćajnih znakova, te plan njihove zamjene ili sanacije.
- Da se isti plan, zajedno sa listom dostavi Gradskom vijeću do 30.06.2025. godine.
- Da se znakovi koji su postavljeni van propisanih normi visine ili vidljivosti prilagode propisima.
- Da se nakon zamjene uradi zvanični izvještaj i plan redovnog održavanja saobraćajne signalizacije.

Vijećnička inicijativa broj 4

Na osnovu člana 109. Poslovnika o radu Gradskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim inicijativu za premještanje neaktivnog taxi stajališta iz ulice Stjepana Radića na funkcionalniju lokaciju.

Poštovani,

Uzimajući u obzir dugogodišnju nefunkcionalnost postojećeg taxi stajališta koje se nalazi u ulici Stjepana Radića, neposredno kod Čaršijske džamije, te potrebe građana za dodatnim parking prostorom u tom dijelu grada, podnosim sljedeću inicijativu:

Predmet inicijative:

Premještanje neaktivnog taxi stajališta s trenutne lokacije na pogodniju i prometniju tačku – po mogućnosti u blizini željezničke stanice ili drugo frekventno područje.

Obrazloženje:

Parking mjesto rezervisano za taxi stajalište u ulici Stjepana Radića nije nikako u upotrebi – na toj lokaciji nije viđeno nijedno taxi vozilo.

U neposrednoj blizini se nalaze:

- ugostiteljski objekti,
- vjerski objekat - Čaršijska džamija,

- stambena zgrada,

Što sve dodatno ukazuje na potrebu da se ovo mjesto koristi u skladu s realnim potrebama građana. S druge strane, željeznička stanica ili autobuska stanica predstavljaju puno logičniju lokaciju za dodatno taxi stajalište, gdje bi ono bilo i korisno putnicima, a taksisti bi imali više potencijalnih korisnika usluga.

Prijedlog mjera:

1. Da se konkretno stajalište u ulici Stjepana Radića ukine, a parking mjesto vrati na raspolaganje građanima kao redovno parking mjesto.
2. Da se na osnovu konsultacija s taxi udruženjima predloži nova funkcionalna lokacija za taxi stajalište.

Cilj: Povećanje iskorištenosti javnih površina, racionalizacija parking prostora i poboljšanje dostupnosti taxi usluga na lokacijama gdje su stvarno potrebne.

Asim Džindo

PREDMET: Prijedlog službi.

S obzirom da sam primjetio da svaku sjednicu ulazimo u raspravu po pitanju vremena, ja bih predložio da barem televizor iskoristite kao tajmer, eventualno neki ovdje da postavite, da svi vide koliko im je vremena ostalo.

Zahid Avdičević

PREDMET: Vijećničko pitanje.

Mi smo na prošloj sjednici razmatrali tačku broj 5, jedno malo obrazloženje prije pitanja, koja je glasila Prijedlog Odluke o utvrđivanju prosječne konačne građevinske cijene m² korisne stambene površine na području Grada Zavidovići za 2025. godinu. Gdje je u jednom momentu kolega vijećnik iznio netačne informacije, odnosno lažne informacije prema mojim kolegama vijećnicima, gdje je čak evo ja ću biti slobodan da kažem malo ružnim nastupom prema nama kazao da su određene stvari, evo konkretno prema meni da sam ja kupljen vijećnik i da sam ja korumpiran. Pošto se ja ne sjećam svih tih informacija pitanje za Stručnu službu Gradskog vijeća Zavidovići, da li možete da mi izdvojite tačku broj 5, audio i video snimak, naravno izvorni zapisnik pomenute tačke, te da li ja taj materijal mogu koristiti ukoliko dođe do sudskog procesa. Odgovor zahtijevam u pisanoj formi.

Izjašnjenje vijećnika po odgovorima na vijećnička pitanja.

Amira Hadžić: S obzirom da nemam više prijavljenih za vijećnička pitanja, preći ćemo na odgovore na vijećnička pitanja sa 5. sjednice. Pitati ću redom vijećnike da se izjasne. Gospodin Igor Šimšić, da li ste zadovoljni odgovorima na Vaša pitanja?

Igor Šimšić: Nisam zadovoljan odgovorima, kratko ću prokomentarisati odgovore "...", dopunu tražim za prvo pitanje. Da mi se dostavi osnov, iz Odluke o bezbjednosti i organizaciji saobraćaja na cestama Općine Zavidovići i da se dostavi i javnosti bude dostupan Pravilnik o postupku davanja na korištenje javnih parkirališta "...". Dopuna se dakle odnosi na da mi tačno navedete sadržinu na osnovu kojeg člana na osnovu kojeg je omogućeno korištenje ovih parking prostora. Druga dopuna se odnosi na tablu odnosno signalizaciju obavještenja koje nije u skladu sa navedenim sadržajem koji ste u odgovoru naveli, a tiče se ko može da koristi navedeno parkiralište na predmetnoj lokaciji. Korisnik je samo jedan subjekt na tabli obavještenja, a ovdje u sadržaju ima ih više.

Drugo pitanje samo ću prokomentarisati i tražiti dopunu, da li se u Odluci o davanju saglasnosti na nadzidažavanje zgrade Stare općine, dobio sam odgovor i tražim dopunu, da li će u narednom periodu da se ponovi Javni poziv za ovu predmetnu stvar, ako neće da se navede u odgovoru ili neće ili ne planira se u narednom periodu.

Treće vijećničko pitanje, odgovorom nisam zadovoljan i tražim dopunu. Odnosi se na izradu Programa uređenja građevinskog zemljišta, u odgovoru je navedeno sljedeće : „...“, ne mogu da vjerujem da je ovakav odgovor stigao na vijećničko pitanje i u dopuni tražim jasno, decidno datovanje završetka predviđenih aktivnosti koje kažete i koje navodite da radite, s obzirom na praksu i dinamiku rada ovdje, neophodno je informisanje nas vijećnika i javnosti. Hvala.

Amira Hadžić: Zahvaljujem gospodinu Šimšiću. Gospodine Džindo da li ste zadovoljni odgovorima na vijećnička pitanja sa 5. sjednice.

Asim Džindo: „...“

Amira Hadžić: Dobro dok sekretar provjeri da li su stigla Vaša pitanja, pitat ću gospodina Fojnicu da li ste zadovoljni odgovorima?

Admir Fojnica: Zadovoljan.

Amira Hadžić: Gospođo Jupić, da li ste zadovoljni odgovorima?

Amra Jupić: Nisam zadovoljna imam dopunsko. Mene interesuje zašto mi nadležne gradske službe nisu odgovorile da li su za rješenje ovog problema ista uradili da se sankcionišu svi oni koji ulaze u prostor industrijske zone, i tako pokazuju nebrigu što sam ja navela na prošloj sjednici, ako se sjećate, nebrigu vezano za sve naše investitore i za sve one ljude koji imaju svoje objekte u industrijskog zoni. Želim da mi se odgovori u pisanoj formi da li je iko od nadležnih inspeksijskih službi uradio ista po ovom pitanju.

Amira Hadžić: Hvala gospođi Jupić. Gospodine Amer Avdičević, da li ste zadovoljni?

Amer Avdičević: Zadovoljan.

Amira Hadžić: Zahvaljujem gospodinu Avdičeviću. Gospodin Demir Buljubašić?

Demir Buljubašić: Zadovoljan.

Amira Hadžić: Zahvaljujem gospodinu Buljubašiću. Ja sam također zadovoljna odgovorom vezano za Kulturno-sportski centar, od Komunalnog nikad nisam dobila odgovor, tako da nisam zadovoljna, ali neću ništa ponavljat, nadat ću se da ću dobiti odgovor. Gospodine Polić, imali ste dopunsko pitanje sa 3. sjednice da li ste zadovoljni odgovorima na Vaše pitanje.

Ajdin Polić: Imam nekoliko dopunskih pitanja. Koji se konkretno uslovi nisu stekli za donošenje privremenog rješenja? Drugo, ako već sredstva u Budžetu za 2025. godinu nisu izdvojena zašto se ne traži izdvajanje sredstava kroz raspodjelu za „...“ o čemu se radi, radi se o kući za koju sam ja prije nekoliko mjeseci poslao dopis da se hitno reaguje i nekako svi su odmakli ruke od toga. Kuća je skoro upala na cestu, prijeti opasnost po život mještana i prolaznika. Ja sam danas telefonski razgovarao sa predstavnikom mještana, i oni su rekla da je sljedeća stvar koja će se desiti jeste da će oni blokirati put, da će pozvati medije „...“ oni traže da se to riješi, da im kažete ako ne može da se iscrpe sve mogućnosti pa da se onda na kraju zna da se stvarno ne može.

Amira Hadžić: Zahvaljujem gospodinu Poliću. „...“ gospodine Džindo, izvolite?

Asim Džindo: Ovako, postavio sam na 4. sjednici ukupno 13 pitanja, i nisam dobio odgovor na 2., 5., 6., 11. i 13. pitanje. Također, Služba za upravu geodetskih, imovinskopравnih poslova i urbanizma, na svako pitanje odgovori : „Ovoj službi nije poznato da li su postojali navedeni zahtjevi“, pa copy-paste. Pa ako ne mogu na ostala pitanja da pronađu odgovor neka mi u pisanoj formi dostave da na navedena pitanja ne mogu pronaći odgovor.

Amira Hadžić: Zahvaljujem gospodine Džindo. Ovime smo iscrpili prvu tačku dnevnog reda, te prelazimo na drugu.

ZAPISNIK SAČINIO

Dženan Čatić, dipl.iur.





Socijaldemokratska partija Bosne i Hercegovine
Социјалдемократска партија Босне и Херцеговине

sloboda, jednakost, solidarnost

Datum: 30.04.2025.godine

BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r. gđa. predsjedavajuća

Predmet: VIJEĆNIČKO PITANJE, dostavlja se

Na osnovu članova 8. i 87 Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Kada će se izvršiti zamjena rasvjetnih tijela u naseljenom mjestu Dolac a koja nisu u funkciji već nekoliko mjeseci ?

Direktno pitanje:

Kada nadležna služba može pokrenuti aktivnosti na zamjeni cca 60 rasvjetnih tijela u naseljenom mjestu Dolac ?

Obrazloženje:

Malobrojni mještani naseljenog mjesta Dolac su prije nešto više od godinu dana dobili funkcionalnu uličnu rasvjetu koja se prostire u dužini od cca 4 kilometra kroz naseljeno mjesto i sa preko 100 rasvjetnih tijela. U periodu od 15 mjeseci skoro pola rasvjetnih tijela nije više u funkciji a mještani ovog naselja nisu u mogućnosti obezbijediti finansijska sredstva za njihovu zamjenu. Savjet MZ Dolac, također zbog jako malih prihoda po osnovu redovnih sredstava koja se uplaćuju od strane općine, nije u mogućnosti finansirati ovako veliki finansijski poduhvat na zamjeni velikog broja rasvjetnih tijela.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj gradskoj službi.

S poštovanjem,



Vijećnik SDP BiH


Bajro Javrić

Općinska organizacija SDP BiH Zavidovići

Општинска организација СДП БиХ Завидовићи

Sekretarijat

Adresa: dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzoki@bih.net.ba

www.sdp.ba
facebook.com/sdpbih
facebook.com/sdpbihzavidovici



Socijaldemokratska partija Bosne i Hercegovine
Социјалдемократска партија Босне и Херцеговине

sloboda, jednakost, solidarnost

Datum: 30.04.2025.godine

**BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r. predsjedavajući**

Predmet: VIJEĆNIČKO PITANJE, dostavlja se

Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne službe da nam dostavi informacije i podatke o kretanju stanovništva Grada Zavidovići od 2022. godine pa sve do danas?

Direktno pitanje:

Tražim od nadležne službe da nam dostavi podatke o broju rođenih, umrlih i broju stanovnika koje se iselilo sa područja općine Zavidovići. Podatke je potrebno dostaviti počev od 2022. godine.

Tražene podatke je potrebno dostaviti u ukupnom iznosu kao i po matičnim uredima.

Odgovor na ovo pitanje treba da sadrži sljedeće informacije: godina, natalitet, mortalitet, iseljeno stanovništvo, matični ured i ukupno.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,



Vijećnik SDP BiH

Anes Karajbić, dipl.ecc

Općinska organizacija SDP BiH Zavidovići

Општинска организација СДП БиХ Завидовићи

Sekretarijat: Adresa: dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzidici@bih.net.ba

www.sdp.ba
facebook.com/sdpbih
facebook.com/sdpbihzavidovici

INDIRA PAŠIĆ

Poštovana predsjedavajuća, sekretare, uvažene kolege vijećnici, pomoćnici gradonačelnice i ostali prisutni, te građani koji nas pratite putem medija, sve vas srdačno selamim i pozdravljam.

Ja danas koristim poslovničku mogućnost i postavlja jedno pitanje s obzirom da sam zamoljena od mještana da isto pitanje postavim.

Pitanje je upućeno Službi za upravu privrede, lokalni razvoj, infrastrukturu i međunarodnu saradnju, a glasi:

Prošle godine, 2024. raspina je javna nabavka radova na izgradnji mosta u naseljenom mjestu Maoča, izgradnja mosta u naseljenom mjestu Hadžić – Stog i izgradnja mosta u naseljenom mjestu Kučice.

S hodno tome, nakon okončane procedure zaključeni su i ugovori sa najpovoljnijim izvođačima, međutim kako mi je rečeno do dana današnjeg nije se pristupilo izvođenju radova, odnosno gradnji mostova.

Pitanje je, zašto se ne radi, da li teku rokovi izvođaču radova i da li se zna kada će početi sa radovima?

Odgovor molim u pisanom obliku. Hvala!

Indira Pašić





Socijaldemokratska partija Bosne i Hercegovine
Социјалдемократска партија Босне и Херцеговине

sloboda, jednakost, solidarnost

BOSNA I HERCEGOVINA

Datum: 30.04.2025.

FEDERACIJA BOSNE I HERCEGOVINE

GRAD ZAVIDOVIĆI

GRADSKO VIJEĆE ZAVIDOVIĆI

n/r. predsjedavajući

Predmet: Inicijativa za donošenje odluke o pokretanju aktivnosti na izradi projektne dokumentacije za izgradnju etažnog parkirališta na parceli k.č. 1132, 1131/1; 1131/4; 1131/5; 1131/7; 1131/8; 1131/10; 1131/11, 1131/13; 1131/14; 1131/15; 1131/16; 1131/18 i 1131/19 K.O. Zavidovići.

Poštovani, na osnovu člana 109. Poslovnika o radu Općinskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim INICIJATIVU za donošenje odluke o pokretanju aktivnosti na izradi projektne dokumentacije za izgradnju etažnog parkirališta na parceli k.č. 1132, 1131/1; 1131/4; 1131/5; 1131/7; 1131/8; 1131/10; 1131/11, 1131/13; 1131/14; 1131/15; 1131/16; 1131/18 i 1131/19 K.O. Zavidovići.

U skladu sa stavom 4. pomenutog člana ovu Inicijativu dostavljamo u pisanoj formi sa **OBRAZLOŽENJEM** kako slijedi:

U cilju obezbjeđenja novih parking mjesta za građane Zavidovića, nužno je obezbijediti novu lokaciju koja će osigurati svremenije i funkcionalnije parkiralište sa automatskom parking rampom i sistemom naplate. Nova lokacija bi trebala biti u centru grada sa podzemnim i etažnim parking objektom koji bi zadovoljio potrebe naših građana. Idealna lokacija bi bila na parcelama označenim sa k.č. 1132, 1131/1; 1131/4; 1131/5; 1131/7; 1131/8; 1131/10; 1131/11, 1131/13; 1131/14; 1131/15; 1131/16; 1131/18 i 1131/19 K.O. Zavidovići, s tim da bi se postojećim vlasnicima garažnih prostora ove lokacije osigurala parking mjesto u novom etažnom objektu parkirališta.

Inicijativom se poduzimaju aktivnosti na izradi projektne dokumentacije kako bi se stvorili preduslovi o opravdanosti ove investicije, utvrdio javni interes, regulisali vlasnički odnosi i pokrenule aktivnosti na obezbjeđenju finansijskih sredstava za realizaciju. Sredstva za realizaciju ove inicijative predvidjeti Budžetom Grada Zavidovići za 2025.godinu.

S poštovanjem,



Vijećnik SDP BiH

Haris Hodžić, dipl.oec.

Općinska organizacija SDP BiH Zavidovići

Општинска организација СДП БиХ Завидовићи

Sekretarijat: Adresa: dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici

ĆOSIĆ OMER

Vijećnik u Gradskom vijeću

Dana: 30.04.2025.g.

Gradsko vijeće Zavidovići

Predsjedavajuća Vijeća g-đa Amira Hadžić

Predmet: INICIJATIVA

U skladu sa Poslovníkom o radu Gradskog vijeća Zavidovići, član 171.a i 171.b podnosim Inicijativu za sanaciju i rekonstrukciju Omladinskog doma Potkleče.

Obrazloženje

Duži vremenski period izostala je reakcija nadležnih organa po inicijativama za sanaciju Omladinskog doma u Potkleču. Nekoliko puta je usvajan i poseban transfer u Budžetu Općine za ovu namjenu, ali nadležni organ ga nije realizovao. Posljednih godina, možemo reći prethodna dva mandata Vijeća i dva mandata Općinskog načelnika naseljeno mjesto Potkleče kao da je bilo kažnjeno u smislu investicija bilo koje vrste. Posebno ću navesti ovu oko Omladinskog doma i njegovog značaja u organizovanju odbrambeno - oslobodilačkog rata. Naime, ovde je osnovana prva Prostorna jedinica Teritorijalne odbrane tj. Patriotske lige, a ovaj objekat je korišten kao vojni objekat za smještaj tadašnjih pripadnika Patriotske lige, pripadnika mjesne straže i materijalno - tehničkih sredstava. Čak je i tadašnja Televizija Beograd, danas Radio - Televizija Srbije, objavila TV prilog u kojem su prikazali avionske snimke ovog objekta i obližnjeg prostora kao mjesto gdje se obučava muslimanska vojska, zelene beretke i slične jedinice


Ovaj objekat je devastiran usljed ratnih dejstava agresora, odnosno direktnih artiljerijskih pogodaka. Vjerovatno je agresoru predstavljao značajan ~~fortifikacijski~~ objekat, pa ga je nastojao uništiti artiljerijom. To nas ne bi trebalo čuditi.

Više zabrinjava i čudi odnos naših vlasti prema ovakvim objektima. Cijelo poslijeratno vrijeme nije bilo sluha da se išta uradi kako bi se ovaj objekat vratio u njegovu stvarnu namjenu, tj. za potrebe mještana Potkleče. Ova inicijativa je i nastala kao zahtjev veće grupe mještana da se konačno pristupi sanaciji i rekonstrukciji Omladinskog doma, kako bi se isti koristio za zborove građana, za održavanje izbora, za aktivnosti omladine itd.

Zbog toga tražim hitnu reakciju i realizaciju ove inicijative. Hvala.

Podnosilac inicijative

Vijećnik Ćosić Omer



Gradski vijećnik
Šemsudin Skejić
April 2025.godine

-PREDSJEDAVAJUĆA GRADSKOG VIJEĆA
-GRADONAČELNICA
-SLUŽBA ZA UPRAVU GEODETSKIH, IMOVINSKO-PRAVNIH POSLOVA I
URBANIZAM

Predmet: Vijećničko pitanje

Na osnovu člana 87. i člana 116. Poslovnika o radu Gradskog vijeća (novi prečišćeni tekst) Sl.glasnik broj 7/2022 postavljam sljedeće vijećničko pitanje:

Da li nadležna služba provodi aktivnosti u cilju realizacije projekta Kružni tok Krivaja?

Ukoliko je odgovor negativan, tražim obrazloženje zašto, a ako je odgovor pozitivan tražim da Gradskom vijeću podnesete izvještaj šta je do sada urađeno i kakvi su dalji planovi za realizaciju ovog za Grad vrlo bitnog projekta.

Obrazloženje

Gradsko vijeće je u prethodnom sazivu na sjednici održanoj 31.07.2024. godine donijelo zaključak broj: 01-04-1518/24-AP-5 i na taj način uz pomoć Ministarstva za prostorno uređenje, promet i komunikacije i zaštitu okoliša omogućilo nesmetan nastavak aktivnosti oko realizacije kružnog toka Krivaja.

Poučen iskustvom da su u periodu 2021-2024. godine Gradonačelnik i nadležna služba (pomoćnik) opstruirali rješavanje nagomilanih problema u oblasti urbanizma Grada 26.08.2024. godine postavio sam vijećničko pitanje na temu Kružni tok Krivaja. Odgovor sam dobio ekspresno 30.08.2024. godine i pozitivno se iznenadio. Zašto?

Citirat ću upit nadležne službe upućen Zavodu za urbanizam i prostorno uređenje ZDK kao i odgovor zavoda. Kako upit tako i odgovor usko su vezani Zaključkom Gradskog vijeća broj: 01-04-1518/24-AP-5 od 31.07.2024.godine.

UPIT službe Zavodu za urbanizam:

Podneskom ove službe broj: 06-45-16/24-AP-19 od 05.07.2024.godine u smislu člana 188. stav 1. Zakona o prostornom uređenju i građenju („Službene novine ZDK“ broj 17/23) od Kantonalnog zavoda za urbanizam i prostorno uređenje zatraženo je davanje stručne ocjene o realizaciji projekta KRUŽNI TOK KRIVAJA.

Navodim i odgovor Zavoda na upit:

*Po navedenom podnesku Kantonalni zavod za urbanizam i prostorno uređenje je dopisom broj: 12-1-19-12437 od 26.08.2024.godine (zaprimljen u službi dana 29.08.2024.godine) obavijestio istu službu da se može pristupiti realizaciji projekta KRUŽNI TOK KRIVAJA, a da će Regulacioni plan ovog područja kada se steknu uslovi zbog izrade i donošenja URBANISTIČKOG PLANA GRADA ZAVIDOVIĆI biti u skladu sa glavnim projektom KRUŽNI TOK KRIVAJA odnosno sa izvedenim stanjem.

Obzirom da je od stvaranja uslova za realizaciju ovog projekta proteklo 10 mjeseci, a ja sam siguran da se ne radi ništa, pitam Gradonačelnicu da li zna za ove informacije. Da li zna da je Regulacioni plan Luke koji je bio preduslov za izradu Kružnog toka rađen od 2018. do 2024. godine ali pogrešno. Ako budemo čekali da se završi Urbanistički plan, onda ćemo se načekati kružnog toka. Dobili ste odobrenje da ne morate čekati usvajanje Urbanističkog plana ni Regulacionog plana Luke.

Uvažena Gradonačelnice dobronamjerno Vas upozoravam. Trebat će Vam najmanje još jedan mandat da biste sadašnjim tempom aktivnosti u oblasti urbanizma uradili Urbanistički plan, Regulacioni plan Luke i riješili Kružni tok. Primjer kružnog toka to potvrđuje. Aktivirajte svoje saradnike i demantujte me.

Unaprijed Vas obavještavam pripremajte odgovor na pitanje šta je od 06.08.2024. do 01.06.2025.godine urađeno po pitanju izrade Urbanističkog plana.

Šteu Sudin Stajić

30.04.2025.godine

Gradski vijećnik
Šemsudin Skejić
August 2024.godine

26-08-2024

-PREDSJEDAVAJUĆI GRADSKOG VIJEĆA
-GRADONAČELNIK
-SLUŽBA ZA UPRAVU GEODETSKIH, IMOVINSKO-PRAVNIH POSLOVA I
URBANIZMA

Predmet: Vijećničko pitanje br.1

Na osnovu člana 87. i člana 166. Poslovnika o radu Gradskog vijeća (novi prečišćeni tekst) Sl.Glasnik br. 7/2022 postavljam sljedeće vijećničko pitanje:

Da li je Gradonačelnik putem Službe za upravu geodetskih, imovinsko-pravnih poslova i urbanizma uputio zahtjev za realizaciju i definisanje preduslova u urbanističkoj saglasnosti na temelju stručne ocjene za projekat „KRUŽNI TOK KRIVAJA“? Stručna ocjena se traži na osnovu člana 188. Zakona o prostornom uređenju i građenju Sl.novine ZE-DO kantona br.17 od 17.11.2023.godine.

Ako to nije urađeno, kada će biti?

Obrazloženje

Na sjednici Gradskog vijeća održanoj 31.07.2024.godine donesen je sljedeći Zaključak br. 01-04-1518/24-AP-5 u kojem pod rednim brojem 6. stoji:

6. Zadužuje se Gradonačelnik sa Službom za upravu geodetskih , imovinsko pravnih poslova i urbanizma da ODMAH podnese zahtjev Ministarstvu prostornog uređenja, prometa i komunikacija i zaštite okoliša kao i Zavodu za urbanizam i prostorno uređenje Zeničko dobojskog kantona kojim će tražiti da se formira komisija koja bi u najkraćem roku dala stručnu ocjenu o realizaciji projekta „KRUŽNI TOK KRIVAJA ZAVIDOVIĆI“

Ovo pitanje postavljam poučen negativnim iskustvima koja sam u radu sa Gradonačelnikom i nadležnom službom, preciznije sa rukovodiocem službe za upravu geodetskih, imovinsko-pravnih poslova i urbanizma doživio u četverogodišnjem mandatu Vijeća.

Negativna iskustva ogledaju se u stalnim opstrukcijama u rješavanju nagomilanih problema u oblasti urbanizma od strane Gradonačelnika i njegovog pomoćnika.

U razgovoru koji sam prethodno obavio sa Ministrom za prostorno uređenje, promet i komunikacije i zaštitu okoliša kao i Direktorom Zavoda za urbanizam i prostorno uređenje Zeničko dobojskog kantona uvjerio sam se da ćemo za rješavanje ovog zahtjeva imati punu podršku. Pomenuta iskustva su toliko teška da ću bez obzira na odgovor uputiti i Vijećničku inicijativu na istu temu Kružni tok Krivaja iako sam je već jednom uputio u sličnom tekstu.

26.08.2024. god.

Gradski vijećnik
Skejić Šemsudin

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Služba za upravu geodetskih, imovinsko-
pravnih poslova i urbanizma
Broj: 06-45-16/24-AP-31
Datum: 30.8.2024. godine

Gradski vijećnik
Šemsudin Skejić

PREDMET: Odgovor na vijećničko pitanje br.1 i br.2, dostavlja se

U vezi vaših vijećničkih pitanja označenih sa br.1 i br.2 (zaprimljeni dana 26.08.2024. godine), koje ste postavili ovoj službi, dajemo sljedeće odgovore:

Odgovor na pitanje br. 1

Podneskom ove službe broj: 06-45-16/24-AP-19 od 05.07.2024. godine, u smislu člana 188. stav. 1. Zakona o prostornom uređenju i građenju („Službene novine ZDK” broj: 17/23) od Kantonalnog zavoda za urbanizam i prostorno uređenje Zenica zatraženo je davanje stručne ocjene u realizaciji projekta “Kružni tok Krivaja”.

Po navedenom podnesku, Kantonalni zavod za urbanizam i prostorno uređenje je dopisom broj: 12-1-19-12437 od 26.08.2024. godine (zaprimljen u službi dana 29.08.2024. godine) obavijestio istu službu da se može pristupiti realizaciji projekta “Kružni tok Krivaja”, a da će Regulacioni plan ovog područja kada se steknu uslovi zbog izrade i donošenja Urbanističkog plana grada Zavidovići biti usklađen sa glavnim projektom “Kružni tok Krivaja” Zavidovići odnosno sa izvedenim stanjem.


Služba se takođe dopisom broj : 06-45-16/24-AP-24 od 12.7.2024. godine obratila i JP Ceste FBiH Sarajevo sa inicijativom za pokretanje postupka realizacije projekta “Kružni tok Krivaja” obzirom da se radi o magistralnoj cesti M-17.1. Dionica Zavidovići – Banovići.

Po navedenom podnesku JP Ceste FBiH Sarajevo se još nije očitovalo.

Odgovor na pitanje br.2

Služba za upravu geodetskih, imovinsko pravnih poslova i urbanizma kao nosilac pripreme postupa u skladu sa članom 44. Zakona o prostornom uređenju i građenju („Službene novine ZDK” broj: 17/23) i izvršava svoje obaveze u pogledu pripreme i dostavljanja raspoložive dokumentacije koja je neophodna za izradu plana, a u toku su i aktivnosti na javnom oglašavanju o pristupanju izradi planskog dokumenta za sve zainteresovane strane za dostavljane prijedloga sugestija i dr.

S poštovanjem !



POMOĆNIK GRADONAČELNIKA

Remzo Sinđanović, dipl.pravnik


Gradski vijećnik
Šemsudin Skejić
April 2025.godine

-PREDSJEDAVAJUĆA GRADSKOG VIJEĆA
-GRADONAČELNICA

Predmet: prijedlog za raspravu

Na osnovu člana 8. i člana 55. Poslovnika o radu Gradskog vijeća -novi prečišćeni tekst (Službeni glasnik Grada Zavidovići broj 7/2022 i 1/23) dostavljam Prijedloge za raspravu o pitanjima koja se odnose na rad Vijeća, Gradonačelnika i gradskih službi

1. Prijedlog za raspravu o realizaciji infrastrukturnog projekta KRUŽNI TOK KRIVAJA
2. Analiza aktivnosti oko realizacije izrade i donošenja Urbanističkog plana Grada Zavidovići

Šemsudin Skejić


1. Realizacija projekta KRUŽNI TOK KRIVAJA

Projekat KRUŽNI TOK KRIVAJA važan je infrastrukturni projekat za Grad Zavidovići. U proteklih 8 godina predmet je političkih nadmudrivanja, a to je posebno izraženo u izbornim godinama. Nesumnjivo je da će tako biti i sljedeće 2026. (izborne) godine.

Realizacija ovog projekta nije pokrenuta isključivo zbog nerada Gradske uprave u prethodna dva mandata. Nerad ili nemoć, a najvjerovatnije i jedno i drugo bili su glavni razlozi što gužve na ušću Krivaje u Bosnu sve više izluđuju kako vozače tako i pješake. Posebno je to izraženo neposredno prije i nakon radnog vremena. Da ne pominjem juli i august kada je broj učesnika u saobraćaju povećan zbog dolaska naše „dijasporu“. Najveća greška koju su napravili prethodni Gradonačelnik i služba nadležna za urbanizam bila je ukidanje prostorno planske dokumentacije i apsolutno pasivan odnos u izradi novog Urbanističkog plana.

Značajan pomak ka realizaciji ovog projekta kao i izrade i donošenja Urbanističkog plana napravilo je Gradsko vijeće u prošlom sazivu na svojoj posljednjoj sjednici 31.07.2024. godine. Na toj sjednici, a zahvaljujući pomoći Ministarstva prostornog uređenja ZE DO kantona omogućen je nastavak aktivnosti realizacije ovog projekta.

U prilogu ovog zahtjeva dostavljam dio dokumenata iz kojih se jasno vidi da nema zapreka za Projekat kružni tok. To nedvosmisleno potvrđuje dopis broj: 12-1-19-12437 od 26.08.2024. godine (zaprimljen u Službi 29.08.2024. godine) kojim je Kantonalni zavod za urbanizam i prostorno uređenje obavijestio Službu za upravu geodetskih, imovinsko-pravnih poslova i urbanizam Grada Zavidovići da MOŽE pristupiti realizaciji projekta KRUŽNI TOK KRIVAJA.

Tražim da Gradonačelnica putem nadležne službe pripremi odgovarajući radni materijal, odnosno sve relevantne informacije neophodne za razmatranje navedene problematike. Podsjećam na konstataciju Kolegija Gradskog vijeća u kojoj se navodi da se o ovoj temi može raspravljati u tački koja je u programu rada predviđena pod rednim brojem 22. Izvještaj o realizaciji regulacionih planova (januar-april).

Kako se to nije desilo zahtijevam da obezbijedite raspravu na ovu temu i to najdalje na junskoj sjednici Gradskog vijeća.

2. Analiza aktivnosti oko realizacije izrade i donošenja Urbanističkog plana

Kao obrazloženje navest ću brojne činjenice koje će jasno definisati važnost ove teme, a činjenice su isuviše alarmantne da bismo ih ignorisali.

- a) Posljednji Urbanistički plan koji je Općina Zavidovići dobila bio je onaj iz 1989. godine, prije 36 godina. Urbanistički planovi se rade na period od 20 godina. Dakle, mi već 16 godina nemamo Urbanistički plan.
- b) 2021. godine desio se nešto što je još gore od toga, a to je da smo i zvanično ukinuli stari Urbanistički plan. Ukinuli smo ga na prijedlog Gradonačelnika i nadležne službe, koji su tako dobili opravdanje da ne moraju raditi po pravilima Urbanizma.
- c) Gradsko vijeće je van upotrebe stavilo i 7 Regulacionih planova. To praktično znači da mi nemamo ni jednog regulacionog plana u primjeni, a Urbanistički plan nikako.
- d) Činjenica je da je Grad Zavidovići potpisao protokol za izradu i donošenje Urbanističkog plana čime su se stvorili uslovi da se isti donese u roku od 18 mjeseci,

od potpisa koji je obavljen 06.08.2024.godine. Vijećnici iz prethodnog mandata znaju da je prethodni Gradonačelnik učinio sve da do potpisa protokola ne dođe. Znaju to pogotovo vijećnici koji su i danas sa nama, a protiv toga su bili i onda i sada.


Obzirom da Gradonačelnica i Kolegij Gradskog vijeća nisu prihvatili prijedlog da se analiza o aktivnostima izrade Urbanističkog plana raspravlja svakih 6 mjeseci i da su predložili da bi se o toj temi moglo raspravljati na sjednicama u periodu januar-april, tražim da se o ovoj temi raspravlja u junu 2025. godine.

Ne smijemo propustiti priliku da dobijemo Urbanistički plan u augustu 2026. godine. Sve greške koje smo napravili u oblasti Urbanizma u posljednjih 15 godina napravili smo zbog toga što nemamo u prvom redu Urbanističkog plana, a svakako ni Regulacionih planova.

Samir Šepić

20. 04. 2025. godine

Gradski vijećnik
Šemsudin Skejić
August 2024.godine



-PREDSJEDAVAJUĆI GRADSKOG VIJEĆA
-GRADONAČELNIK
-SLUŽBA ZA UPRAVU GEODETSKIH, IMOVINSKO-PRAVNIH POSLOVA I
URBANIZMA

Predmet: Vijećničko pitanje br.2

Na osnovu člana 87. i člana 166. Poslovnika o radu Gradskog vijeća (novi prečišćeni tekst) Sl.Glasnik br. 7/2022 postavljam sljedeće vijećničko pitanje:

- Da li je i ako nije kada će Gradonačelnik putem Službe za upravu geodetskih, imovinsko-pravnih poslova i urbanizma kao nosilac pripreme na izradi Urbanističkog plana Grada Zavidovići postupiti u skladu sa članom 44.Zakona o prostornom uređenju i građenju i dostaviti nosiocu izrade Urbanističkog plana svu raspoloživu dokumentaciju neophodnu za izradu istog?

- Da li je Nadležna služba izvršila javno oglašavanje o pristupanju izradi Urbanističkog plana Grada Zavidovići kako bi vlasnici zemljišta i objekata u zoni obuhvata Urbanističkog plana mogli podnijeti prijedloge, sugestije i planska rješenja za uvrštavanje u Urbanistički plan.

Obavještavam Vas uvaženi Gradski vijećnici da je Protokol o izradi Urbanističkog plana Grada Zavidovići između nosioca izrade i nosioca pripreme ipak potpisan, bez obzira na trogodišnje opstrukcije koje je uporno provodio naš Gradonačelnik.

Na kraju još jednom ponavljam da je nedostatak Urbanističkog plana, a Grad Zavidovići ga nema vjerovali ili ne 15 godina, glavni uzrok malverzacija u oblasti urbanizma i da je zbog toga budžet svake godine u našem mandatu manji za cca milion maraka.

Gradski vijećnik
Skejić Šemsudin

2, d.č. 26.08.2024g.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Služba za upravu geodetskih, imovinsko-pravnih poslova i urbanizma

Broj: 06-45-16/24-AP-31

Datum: 30.8.2024. godine

Gradski vijećnik
Šemsudin Skejić

PREDMET: Odgovor na vijećničko pitanje br.1 i br.2, dostavlja se

U vezi vaših vijećničkih pitanja označenih sa br.1 i br.2 (zaprimljeni dana 26.08.2024. godine), koje ste postavili ovoj službi, dajemo sljedeće odgovore:

Odgovor na pitanje br. 1

Podneskom ove službe broj: 06-45-16/24-AP-19 od 05.07.2024. godine, u smislu člana 188. stav. 1. Zakona o prostornom uređenju i građenju („Službene novine ZDK” broj: 17/23) od Kantonalnog zavoda za urbanizam i prostorno uređenje Zenica zatraženo je davanje stručne ocjene u realizaciji projekta “Kružni tok Krivaja”.

Po navedenom podnesku, Kantonalni zavod za urbanizam i prostorno uređenje je dopisom broj: 12-1-19-12437 od 26.08.2024. godine (zaprimljen u službi dana 29.08.2024. godine) obavijestio istu službu da se može pristupiti realizaciji projekta “Kružni tok Krivaja”, a da će Regulacioni plan ovog područja kada se steknu uslovi zbog izrade i donošenja Urbanističkog plana grada Zavidovići biti usklađen sa glavnim projektom “Kružni tok Krivaja” Zavidovići odnosno sa izvedenim stanjem.


Služba se takođe dopisom broj : 06-45-16/24-AP-24 od 12.7.2024. godine obratila i JP Ceste FBiH Sarajevo sa inicijativom za pokretanje postupka realizacije projekta “Kružni tok Krivaja” obzirom da se radi o magistralnoj cesti M-17.1. Dionica Zavidovići – Banovići.

Po navedenom podnesku JP Ceste FBiH Sarajevo se još nije očitovalo.

Odgovor na pitanje br.2

Služba za upravu geodetskih, imovinsko pravnih poslova i urbanizma kao nosilac pripreme postupka u skladu sa članom 44. Zakona o prostornom uređenju i građenju („Službene novine ZDK” broj: 17/23) i izvršava svoje obaveze u pogledu pripreme i dostavljanja raspoložive dokumentacije koja je neophodna za izradu plana, a u toku su i aktivnosti na javnom oglašavanju o pristupanju izradi planskog dokumenta za sve zainteresovana strane za dostavljanje prijedloga sugestija i dr.

S poštovanjem !



POMOĆNIK GRADONAČELNIKA

Remzo Sinanović, dipl.pravnik

Gradski vijećnik SNAGA NARODA
Ajdin Polić
Ul. Enesa Kalabića 15, 72220 Zavidovići
062 755 269

GRAD ZAVIDOVIĆI
GRADSKO VIJEĆE
n/r predsjedavajuće gradskog vijeća

PREDMET: Vijećničko pitanje, dostavlja se

Poštovani,

U skladu članom 8., 87., Poslovnika o radu Općinskog vijeća Zavidovići, postavljam vijećničko pitanje:

Da li je gradska uprava obavijestila nadležno Ministarstvo o potrebi čišćenja korita rijeke Gostović na lokaciji kod mosta na drugom kilometru i na lokaciji ornice u Sinanovićima?

Obzirom da je sa posljednjim vodostajima uočeno da nivo vode prijeti okolnim objektima, potrebno je obavijestiti nadležno Ministarstvo da se pokrenu procedure na čišćenju korita kako bi se izvršile preventivne mjere zaštite ljudi i imovine.

Pitanje uputiti nadležnoj gradskoj službi i nadležnom Ministarstvu.

Odgovor zahtijevam pisanim putem od nadležne službe.

Datum: 30/04/2025


Ajdin Polić, mr.ppm

Gradski vijećnik SNAGA NARODA
Ajdin Polić
Ul. Enesa Kalabića 15, 72220 Zavidovići
062 755 269

GRAD ZAVIDOVIĆI
GRADSKO VIJEĆE
n/r predsjedavajuće gradskog vijeća

PREDMET: Inicijativa za ukidanje poreza na istaknutu firmu, dostavlja se

Poštovani,

U skladu sa članom 8., 87., i 109. Poslovnika o radu Općinskog vijeća Zavidovići, podnosim sljedeću inicijativu:

Inicijativa za ukidanje poreza na istaknutu firmu podrazumijeva da se gradskom vijeću pripremi materijal za donešenje odluke o izmjeni i dopuni Odluke o komunalnim taksama općine Zavidovići kako bi se izbrisale odredbe o naplati komunalne takse za svaku istaknutu firmu na osnovu presuda Ustavnog suda FBiH kojim se one proglašavaju neustavnim.

O realizaciji ove inicijative, starat će se Gradonačelnica sa stručnim službama.

Za realizaciju ove inicijative izdvojiti potrebna sredstva iz budžeta Grada Zavidovići za 2025 godinu.

OBRAZLOŽENJE

U medijima se neko vrijeme ponavljaju vijesti o neustavnosti taksi na istaknutu firmu. Još u martu i aprilu prošle godine Ustavni sud FBiH donio je jasne presude (broj U-31/23, U-3/24), kojima je utvrđeno da godišnja taksa na isticanje firme nema uporište u Ustavu FBiH, posebno u dijelu koji garantuje zaštitu imovine i onemogućava nametanje davanja bez protuusluge. Iako su pojedine općine već ukinule te takse (na primjer, Gradsko vijeće Tuzle krajem 2024. godine donijelo je "Odluku o prestanku važenja Odluke o komunalnim taksama"), mnoge općine to još nisu učinile. Pravosudni eksperti upozoravaju na mogućnost krivičnihopravnih posljedica za svjesno nepoštivanje odluke Ustavnog suda FBiH. Krivični zakon FBiH u članu 351. propisuje kaznu zatvora do pet godina za odgovorne osobe koje odbiju postupiti u skladu s odlukom Ustavnog suda. U konkretnom slučaju, to bi zahtijevalo utvrđivanje da organi vlasti, unatoč jasno izrečenom ustavnosudskom stavu, nastavljaju djelovati suprotno toj odluci. U skladu sa navedenim, podnosim inicijativu kako bi uskladili važeću odluku sa presudama ustavnog suda FBiH u što skorijem roku kako bi rasteretili privrednike dodatnih nameta bez protuusluge.

Datum: 30/04/2025


Ajdin Polić, mr.ppm

Gradski vijećnik SNAGA NARODA
Ajdin Polić
Ul. Enesa Kalabića 15, 72220 Zavidovići
062 755 269

GRAD ZAVIDOVIĆI
GRADSKO VIJEĆE
n/r predsjedavajuće gradskog vijeća

PREDMET: Inicijativa za proširenje puta u Borovnici, dostavlja se

Poštovani,

U skladu sa članom 8., 87., i 109. Poslovnika o radu Općinskog vijeća Zavidovići, podnosim sljedeću inicijativu:

Inicijativa za proširenje puta u naseljenom mjestu Borovnica uređenjem i betoniranjem kanala za odvodnju odorinskih voda sa gornje strane ceste kako bi se pomenuta dionica proširila za normalno odvijanje saobraćaja.

O realizaciji ove inicijative, starat će se Gradonačelnica sa stručnim službama.

Za realizaciju ove inicijative izdvojiti potrebna sredstva iz budžeta Grada Zavidovići za 2025 godinu.

OBRAZLOŽENJE

Tokom marta 2025 godine mještani Borovnice izvršili su proširivanje dionice puta od mosta na rijeci Gostović prema selu u dužini od 160 m betoniranjem putnog pojasa duž ceste uz rijeku Gostović. Međutim, proširenje puta nije dovoljno, te je potrebno da se sa gornje strane puta, u dužini od 160 metara izvrše radovi uređenja kanala za odvod oborinskih voda, na način da isti uredi i eventualno betonira na način da bude pogodan za saobraćaj kako bi se omogućilo normalno odvijanje saobraćaja.

Datum: 30/04/2025


Ajdin Polić, mr.ppm

Gradski vijećnik SNAGA NARODA
Ajdin Polić
Ul. Enesa Kalabića 15, 72220 Zavidovići
062 755 269

GRAD ZAVIDOVIĆI
GRADSKO VIJEĆE
n/r predsjedavajuće gradskog vijeća

PREDMET: Vijećničko pitanje, dostavlja se

Poštovani,

U skladu članom 8., 87., Poslovnika o radu Općinskog vijeća Zavidovići, postavljam vijećničko pitanje:


Da li se u zgradi gradskog organa uprave vrši redovna protivpožarna zaštita, redovni pregledi PP aparata i opreme?

Primjećeno je da su PP aparati u zgradi gradskog organa uprave zastarjeli, te da je na njima evidentiran zadnji pregled tokom 2017. godine, da su hidranti nekompletni i neupotrebljivi. U cilju sprječavanja nastanka ljudskih žrtava, postavljam pitanjem sa ciljem podsticanja odgovornog lica za protivpožarnu zaštitu da djeluje u skladu sa zakonskim propisima.

Pitanje uputiti nadležnoj gradskoj službi.

Odgovor zahtijevam pisanim putem od nadležne službe.

Datum: 30/04/2025


Ajdin Polić, mr.ppm

Gradski vijećnik SNAGA NARODA
Ajdin Polić
Ul. Enesa Kalabića 15, 72220 Zavidovići
062 755 269

GRAD ZAVIDOVIĆI
GRADSKO VIJEĆE
n/r predsjedavajuće gradskog vijeća

PREDMET: Vijećničko pitanje, dostavlja se

Poštovani,

U skladu članom 8., 87., Poslovnika o radu Općinskog vijeća Zavidovići, postavljam vijećničko pitanje:


Kada se planira nastavak radova na vodovodu u Bajvatima?

Obzirom da je vodovod u Bajvatima nedovršen te da su obezbijeđena potrebna sredstva za nastavak radova, kada mještani mogu očekivati nastavak radova i okončanje projekta?

Pitanje uputiti nadležnoj gradskoj službi.

Odgovor zahtijevam pisanim putem od nadležne službe.

Datum: 30/04/2025


Ajdin Polić, mr.ppm

Amir Tursić, dipl. pravnik
vijećnik u Gradskom vijeću Zavidovići
Ul. Gazi Husrev-begova b.b.
72220 ZAVIDOVIĆI

GRADSKO VIJEĆE
- n/r predsjedavajuće GV-a -
ZAVIDOVIĆI

PREDMET: Vijećnička inicijativa

Na osnovu člana 109. Poslovnika o radu Općinskog vijeća Zavidovići, podnosim inicijativu za uređenje parking mjesta za osobe koje koriste invalidska kolica, u skladu sa Odlukom o bezbjednosti i organizaciji saobraćaja na cestama Općine Zavidovići („Službeni glasnik općine Zavidovići“, broj: 10/21) i Uredbom o prostornim standardima, urbanističko-tehničkim uslovima i normativima za sprečavanje stvaranja arhitektonsko-urbanističkih prepreka za lica sa umanjenim tjelesnim mogućnostima („Službene novine Federacije BiH“, broj 48/09 i 99/14).

Uređenje podrazumijeva obilježavanje broja parking mjesta u skladu sa brojem mjesta za invalidna lica predviđenim Odlukom o bezbjednosti i organizaciji saobraćaja na cestama Općine Zavidovići, obilježavanje parking mjesta u skladu sa uslovima utvrđenim Uredbom o prostornim standardima, urbanističko-tehničkim uslovima i normativima za sprečavanje stvaranja arhitektonsko-urbanističkih prepreka za lica sa umanjenim tjelesnim mogućnostima, te uređenje izlaza s parking mjesta na pločnik na način utvrđen navedenom Uredbom (sa ukošenim ivičnjakom nagiba najviše 10%, širine najmanje 120 cm).


O b r a z l o ž e n j e

Odlukom o bezbjednosti i organizaciji saobraćaja na cestama Općine Zavidovići („Službeni glasnik općine Zavidovići“, broj: 10/21), u članu 33. propisano je da će se u okviru parkinga definisanih Projektom saobraćajne sinalizacije, odrediti posebna parking mjesta za parkiranje vozila za osobe sa umanjenim tjelesnim mogućnostima, koji imaju poseban međunarodni znak, „Znak za pristupačnost“, u skladu sa Uredbom o prostornim standardima, urbanističko-tehničkim uvjetima i normativima za sprječavanje stvaranja arhitektonsko-urbanističkih prepreka za osobe sa umanjenim tjelesnim mogućnostima („Službene novine Federacije BiH“, broj: 48/2009).


U Projektu saobraćajne sinalizacije, koji se nalazi prilogu Odluke o bezbjednosti i organizaciji saobraćaja na cestama Općine Zavidovići, ucrtan je broj parking mjesta za parkiranje vozila za osobe sa umanjenim tjelesnim mogućnostima, u pojedinim ulicama, a određivanje tačnih lokacija i obilježavanje tih mjesta vrše nadležne službe.

Stanje na terenu ne odgovara u potpunosti Odluci o bezbjednosti i organizaciji saobraćaja na cestama Općine Zavidovići, tj. Projektu saobraćajne sinalizacije, koji je prilog navedene Odluke.

Slika 33. – Parking mjesto u nizu – iz člana 38. stava 1. tačke 1. ove Uredbe



Slika 34. – Parking mjesto s međuprostorom – iz člana 38. stava 1. tačke 2. ove Uredbe



Amir Tursić, dipl. pravnik
vijećnik u Gradskom vijeću Zavidovići
Ul. Gazi Husrev-begova b.b.
72220 ZAVIDOVIĆI

GRADSKO VIJEĆE
- n/r predsjedavajuće GV-a -
ZAVIDOVIĆI

PREDMET: Vijećnička inicijativa

Na osnovu člana 109. Poslovnika o radu Općinskog vijeća Zavidovići, podnosim inicijativu za uklanjanje arhitektonsko-urbanističkih barijera, koje ometaju ili sprečavaju kretanje osoba s kolicima, te općenito invalidnih osoba, bolesnih i starih osoba, kolica s bebama i drugih osoba kojima je to potrebno, kod poslovnih objekata ispod Gradske džamije.

O b r a z l o ž e n j e

Na pješačkom prostoru kod poslovnih objekata ispod Gradske džamije, na potezu od centralnog dijela tog prostora, krećući od butika koji se nalazi preko puta restorana, u smjeru prema zgradi Gradskog stadiona i nekadašnjem inženjeringu, nalaze se fizičke barijere u vidu stepenica. Taj prostor je praktično izveden na tri nivoa, odnosno platoa, a na prelazima između tih nivoa nema izvedenih kosina za kretanje osoba s kolicima, te općenito invalidnih osoba, bolesnih i starih osoba, kolica s bebama i drugih osoba kojima je to potrebno.

Postoje propisi kojima se uređuju prostorni standardi, urbanističko-tehnički uslovi i normativi za sprečavanje stvaranja arhitektonsko-urbanističkih prepreka, koje mogu ometati ili sprječavati kretanje, boravak i rad osoba smanjenih tjelesnih mogućnosti.

Iz navedenih razloga i potreba građana, predlažem da se na opisanoj lokaciji izvrši uklanjanje postojećih barijera na način da se urede kosine, kao uvjet pristupačnosti za potrebe savladavanja visinske razlike na navedenom prostoru, na način da se izbetoniraju kosine ili postave pristupne rampe za kolica.

Zavidovići, April 2025. godine

GRADSKI VIJEĆNIK

Amir Tursić, dipl. pravnik

Amir Tursić, dipl. pravnik
vijećnik u Gradskom vijeću Zavidovići
Ul. Gazi Husrev-begova b.b.
72220 ZAVIDOVIĆI

GRADSKO VIJEĆE
- n/r predsjedavajuće GV-a -
ZAVIDOVIĆI

PREDMET: Vijećničko pitanje

Lokalni ekološki akcioni plan općine Zavidovići (LEAP) za period 2012-2017. godine, usvojen je u aprilu 2012. godine – dakle, prije tačno 13 godina.

Njegova primjena istekla je sa krajem 2017. godine.


Stanje okoliša i identifikovani problemi, vizija lokalne zajednice, monitoring, koncepti projektnih prijedloga u sektoru voda, u sektorima tla i otpada, atmosfere i energije, biološke raznolikosti i kulturno-povijesne baštine – to neke od ključnih oblasti iz LEAP-a s kojima dodirne tačke imamo i u aktuelnim temama. Osam godina unazad tim temama se bavimo ad hoc – osam godina je prošlo od isteka planskog dokumenta iz te oblasti kojim se sistemski uređuju navedena pitanja.

Osim toga, Lokalni ekološki akcioni plan je dokument na koji bismo se trebali pozivati prilikom prijave projektnih aplikacija za dodjelu grant sredstava, npr. kod javnih konkursa Fonda za zaštitu okoliša Federacije Bosne i Hercegovine. Usklađenost sa planskim dokumentima u pravilu donosi određene bodove prilikom evaluacije projektnih prijava.

Zanima me, zašto nemamo važeći Lokalni ekološki akcioni plan već punih osam godina, da li su se u tom periodu provodile ikakve aktivnosti na izradi novog plana i kad možemo očekivati pristupanje izradi i usvajanje novog plana?

Zavidovići, April 2025. godine

GRADSKI VIJEĆNIK


Amir Tursić, dipl. pravnik



Socijaldemokratska partija Bosne i Hercegovine
Социјалдемократска партија Босне и Херцеговине

sloboda, jednakost, solidarnost

BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r. Predsjedavajuća

Zavidovići, 30.4.2025.

INICIJATIVA

Na osnovu člana 109. Poslovnika o radu Gradskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim **inicijativu za dovršetak radova na asfaltiranju puta u naselju Luke (Bostašići), MZ Vozuća.**

Poštovani,

Uzimajući u obzir značaj prometne povezanosti naselja Luke sa centralnim dijelom Vozuće i magistralnim putem, te nedovršene infrastrukturne radove na ovom području, podnosim sljedeću inicijativu:

Predmet inicijative:

Hitno planiranje i realizacija dovršetka asfaltiranja puta na dionici Čipsara – naselje Luke – objekat MAN u Mjesnoj zajednici Vozuća.

Obrazloženje:

U naselju Luke (Bostašići) na području MZ Vozuća prethodnih godina je započeto asfaltiranje puta koji ima strateški značaj za lokalno stanovništvo. Radovi su urađeni djelimično s obje strane, ali je srednji dio puta, u dužini od oko 500 metara, ostao nezavršen.

Posljednji dio radova izveden je 2022. godine, međutim kompletna dionica još uvijek nije funkcionalno završena.

Ova dionica je od velikog značaja jer povezuje naselje Luke sa centralnim dijelom Vozuće i predstavlja alternativni pravac koji može služiti kao nužni put ili obilaznica u slučaju zastoja ili nesreća na glavnoj komunikaciji.



Uslijed vremenskih nepogoda i kišnih perioda, preostali neasfaltirani dio puta je dodatno oštećen – na njemu su nastale brojne udarne rupe, što dodatno otežava svakodnevno kretanje vozilima i povećava rizik od saobraćajnih nezgoda.

GRADSKA ORGANIZACIJA SDP BiH ZAVIDOVIĆI

Sekretarijat: **Adresa:** dr. Pinkasa Banta bb
(zgrada „Stare općine“)
72220 Zavidovići, BiH

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici



Slika 1. & 2. Prikaz stanja puta na dan 25.4.2025.godine

Posebno je važno istaći da u ovom području živi 44 domaćinstava, čije je normalno funkcionisanje direktno zavisno od dostupnosti kvalitetnog puta.


Cilj:

Povećanje sigurnosti i mobilnosti stanovništva MZ Vozuća, jačanje infrastrukture u ruralnim područjima i doprinos ukupnom razvoju Grada Zavidovići.

S poštovanjem,



Vijećnik SDP BiH


Asim Džindo, ing.el.

GRADSKA ORGANIZACIJA SDP BiH ZAVIDOVIĆI

Sekretarijat: **Adresa:** dr. Pinkasa Banta bb
(zgrada „Stare općine“)
72220 Zavidovići, BiH

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici



Socijaldemokratska partija Bosne i Hercegovine
Социјалдемократска партија Босне и Херцеговине

sloboda, jednakost, solidarnost

BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r. Predsjedavajuća

Zavidovići, 30.4.2025.

INICIJATIVA

Na osnovu člana 109. Poslovnika o radu Gradskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim inicijativu za prilagođavanje pješačkih prilaza potrebama dječijih kolica, osoba s invaliditetom i smanjene pokretljivosti na području Grada Zavidovići

Poštovani,

U cilju povećanja sigurnosti, pristupačnosti i mobilnosti svih građana Grada Zavidovići, a posebno osoba s invaliditetom, roditelja s dječijim kolicima, starijih osoba i osoba sa smanjenom pokretljivošću, podnosim sljedeću inicijativu:

Predmet inicijative:

Prilagođavanje pješačkih prilaza i trotoara, uz obavezno omogućavanje direktnog pristupa sa ivičnjaka na kolovoz, u skladu sa standardim propisima.

Obrazloženje:

Na području Grada Zavidovići postoje trotoari, pješački prilazi i raskrsnice koji nemaju odgovarajuće spuštene ivičnjake. Ivičnjaci su često previsoki ili nepravilno oblikovani, te nema omogućene ravne i nesmetane veze između pješačke staze i kolovoza.

Ovakvo stanje ozbiljno otežava svakodnevno kretanje:

- osobama koje koriste invalidska kolica,
- roditeljima sa djecom u kolicima,
- starijim osobama,
- osobama s privremenim povredama.

Pristup sa ivičnjaka na kolovoz mora biti izveden bez visinskih barijera, što znači da prelaz između trotoara i saobraćajnice treba biti ravan ili vrlo blago nagnut (u skladu s propisima o pristupačnosti).

Ova mjera nije samo tehničko pitanje, već pitanje ljudskih prava, dostojanstva i sigurnosti svih građana.

GRADSKA ORGANIZACIJA SDP BiH ZAVIDOVIĆI

Sekretarijat: **Adresa:** dr. Pinkasa Banta bb
(zgrada „Stare općine“)
72220 Zavidovići, BiH

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici



Socijaldemokratska partija Bosne i Hercegovine
Социјалдемократска партија Босне и Херцеговине

sloboda, jednakost, solidarnost

Prijedlog mjera:

- Hitna revizija stanja svih pješačkih prelaza i raskrsnica u urbanom području Grada.
-
- Uklanjanje fizičkih prepreka poput visokih ivičnjaka, oštećenja i suženja na trotoarima.
- Uvođenje obaveze da svaki novi ili rekonstruisani pješački prilaz mora omogućavati direktan, blag pristup sa trotoara na put.
- Saradnja sa udruženjima osoba s invaliditetom u procesu planiranja i nadzora realizacije ovih mjera.

Cilj:

Povećati sigurnost i pristupačnost javnih površina za sve građane Grada Zavidovići, unaprijediti kvalitet života, te uskladiti javne infrastrukturne projekte sa evropskim standardima pristupačnosti.

S poštovanjem,



Vijećnik SDP BiH

Asim Džindo, ing.el.

GRADSKA ORGANIZACIJA SDP BiH ZAVIDOVIĆI

Sekretarijat: Adresa: dr. Pinkasa Banta bb
(zgrada „Stare općine“)
72220 Zavidovići, BiH

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici



Socijaldemokratska partija Bosne i Hercegovine
Социјалдемократска партија Босне и Херцеговине

sloboda, jednakost, solidarnost

BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r. Predsjedavajuća

Zavidovići, 30.4.2025.

INICIJATIVA

Na osnovu člana 109. Poslovnika o radu Gradskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim **inicijativu za sanacija saobraćajne infrastrukture kroz zamjenu oštećenih ogledala i reviziju postavljanja saobraćajnih znakova radi povećanja sigurnosti u saobraćaju na području grada Zavidovići.**

Sanacija saobraćajne infrastrukture kroz zamjenu oštećenih ogledala i reviziju postavljanja saobraćajnih znakova radi povećanja sigurnosti u saobraćaju na području grada Zavidovići.

Poštovani,

S obzirom na sve učestalije probleme u sigurnosti saobraćaja na području grada Zavidovići, a naročito greške koje čine vozači koji nisu iz našeg grada zbog neadekvatne ili oštećene saobraćajne signalizacije, podnosim sljedeću inicijativu:

Predmet inicijative:

Zamjena svih dotrajalih, napuknutih i oštećenih saobraćajnih ogledala na raskrsnicama, te sistematska provjera svih saobraćajnih znakova na području grada, s ciljem njihove sanacije, zamjene i pravilnog postavljanja.

Obrazloženje:

U praksi je primijećeno da su brojna saobraćajna ogledala u vrlo lošem stanju – napuknuta, izgrebana ili potpuno oštećena, čime je ugrožena vidljivost i sigurnost u raskrsnicama, naročito onima s ograničenom preglednošću.

Također, brojni saobraćajni znakovi su: oštećeni ili izvaljeni (npr. ulica Stjepana Radića – nedostaje znak o jednosmjernom saobraćaju), nevidljivi zbog nepravilne visine ili zaklonjeni vegetacijom, neadekvatno postavljeni itd.

Zbog toga dolazi do nesnalaženja, saobraćajnih prekršaja i potencijalno opasnih situacija.

GRADSKA ORGANIZACIJA SDP BiH ZAVIDOVIĆI

Sekretarijat: **Adresa:** dr. Pinkasa Banta bb
(zgrada „Stare općine“)
72220 Zavidovići, BiH

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici



Slika 1. Fotografija trenutnog stanja ogledala na raskrsnici prema Dubravačkom putu.

Prijedlog mjera:

- Da nadležna gradska služba u saradnji s nadležnim tijelima izvrši terenski pregled svih raskrsnica i ulica u urbanom području Zavidovića.
- Da se napravi lista neispravnih ili nedostajućih ogledala i saobraćajnih znakova, te plan njihove zamjene ili sanacije.
- Da se isti plan, zajedno sa listom dostavi gradskom vijeću do 30.6.2025. godine
- Da se znakovi koji su postavljeni van propisanih normi visine ili vidljivosti prilagode propisima.
- Da se nakon zamjene uradi zvanični izvještaj i plan redovnog održavanja saobraćajne signalizacije.

S poštovanjem,

Vijećnik SDP BiH

Asim Džindo, ing.el.



GRADSKA ORGANIZACIJA SDP BiH ZAVIDOVIĆI

Sekretarijat: **Adresa:** dr. Pinkasa Banta bb
(zgrada „Stare općine“)
72220 Zavidovići, BiH

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici



Socijaldemokratska partija Bosne i Hercegovine
Социјалдемократска партија Босне и Херцеговине

sloboda, jednakost, solidarnost

BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r. Predsjedavajuća

Zavidovići, 30.4.2025.

INICIJATIVA

Na osnovu člana 109. Poslovnika o radu Gradskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim **inicijativu za premještanje neaktivnog taxi stajališta iz ulice Stjepana Radića na funkcionalniju lokaciju**

Poštovani,

Uzimajući u obzir dugogodišnju nefunkcionalnost postojećeg taxi stajališta koje se nalazi u ulici Stjepana Radića, neposredno kod čaršijske džamije, te potrebe građana za dodatnim parking prostorom u tom dijelu grada, podnosim sljedeću inicijativu:

Predmet inicijative:

Premještanje neaktivnog taxi stajališta s trenutne lokacije na pogodniju i prometniju tačku – po mogućnosti u blizinu željezničke stanice ili drugo frekventno područje.

Obrazloženje:

Parking mjesto rezervisano za taxi stajalište u ulici Stjepana Radića **nije nikako u upotrebi** – na toj lokaciji **nije viđeno nijedno taxi vozilo**.

U neposrednoj blizini se nalaze:

ugostiteljski objekti,
vjerski objekat – čaršijska džamija,
stambena zgrada,

što sve dodatno ukazuje na potrebu da se ovo mjesto koristi u skladu s realnim potrebama građana.

S druge strane, željeznička stanica ili autobuska stanica predstavljaju puno logičniju lokaciju za dodatno taxi stajalište, gdje bi ono bilo i korisno putnicima, a taksisti bi imali više potencijalnih korisnika usluga.

GRADSKA ORGANIZACIJA SDP BiH ZAVIDOVIĆI

Sekretarijat: **Adresa:** dr. Pinkasa Banta bb
(zgrada „Stare općine“)
72220 Zavidovići, BiH

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici



Socijaldemokratska partija Bosne i Hercegovine
Социјалдемократска партија Босне и Херцеговине

sloboda, jednakost, solidarnost

Prijedlog mjera:

1. Da se konkretno stajalište u ulici Stjepana Radića ukine, a parking mjesto vrati na raspolaganje građanima kao redovno parking mjesto.
2. Da se na osnovu konsultacija s taxi udruženjima predloži nova funkcionalna lokacija za taxi stajalište

Cilj:

Povećanje iskorištenosti javnih površina, racionalizacija parking prostora i poboljšanje dostupnosti taxi usluga na lokacijama gdje su stvarno potrebne.

S poštovanjem,

Vijećnik SDP BiH

Asim Džindo, ing.el.



GRADSKA ORGANIZACIJA SDP BiH ZAVIDOVIĆI

Sekretarijat: **Adresa:** dr. Pinkasa Banta bb
(zgrada „Stare općine“)
72220 Zavidovići, BiH

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici

